



說文解字 義證第六

曲阜桂馥學



正 是也從止一以止凡正之屬皆從正 之盛切

是也者詩鳴鳩正是四國傳云正是也本書是從正云直也直下云正見也廣雅直正也易坤卦直其正也書洪範王道正直詩小明好是正直左傳正直為正正曲為直又云下而無直則何謂正矣又云正於伯州犁注云正曲直也賈誼書方直不曲謂之正反

正為邪蜀志法正字孝直 從止者大學在止至於善
詩淑慎爾止傳云止至也終風箋云正猶止也

𠄎 古文正從二二古上字

二古上字者申子天道無私是以恒正本書灋字古
交文從此

𠄎 古文正從一足足者亦止也

足者亦止也者本書止下云故以止為足足當為足本
書足下引弟子職問足何止廣雅足止也

𠄎 春秋傳曰反正為乏房法切

春秋傳曰反正為乏者宣十五年左傳文服虔云言
人反正者皆乏絕之道也

文二 重二

𠄎 直也從日正聲凡是之屬皆從是承旨切

直也者本書直正見也詩魏風爰得我直 從日者
猶古文正從上

𠄎 籀文是從古文正

𧀮

是也從是韋聲春秋傳曰犯五不韙于鬼切

是也者小爾雅廣雅並同昭二十年左傳君子韙之
杜云韙是也漢書叙傳昭韙見戒張晏曰韙是也後
漢荀爽傳五韙咸備續漢書律歷志作五是以備春
秋傳曰犯五不韙隱十一年左傳文注云韙是也

𧀮 籀文韙從心

幽通賦悼世業之可懷

𧀮

是少也𧀮俱存也從是少賈侍中說酥典切

按汗簡𧀮下云見顏黃門說文 晉中興書行仁義

而敗者𧀮矣 潘岳哀永逝文憂患衆兮歡樂𧀮

古文苑北海王誅貴𧀮不驕 經典借鮮字論語鮮

矣仁又云以約失之者鮮矣

是少也者徐鍇曰是亦正也正者少則𧀮也釋詁鮮
罕也又云鮮寡也易繫辭鮮不及矣釋文作𧀮云本
亦作鮮少也又云故君子之道鮮矣釋文鄭作𧀮馬

鄭王肅云少也韓康伯云題斯道者不亦𧀮乎詩抑

說文解字 卷之三 𧀮

篇鮮不為則釋文云鮮少也昭元年左傳鮮不五稔
杜云鮮少也老子其出彌遠其知彌少范應元元本作
匙云韓非王弼同古本匙少也

文三 重二

止

作行乍止也從彳從止凡走之屬皆從走讀若春

秋公羊傳曰走階而走丑畧切

乍行乍止也者猶彳于也

讀若春秋公羊傳曰走

階而走者宣六年文彼作躒注云躒猶超遽不暇以

次釋文云躒與躒同一本作走馥謂讀若二字衍文
儀禮公食大夫禮賓栗階升注云栗實栗也不拾級
連步趨主國君之命不拾級而下曰走疏云凡升降
有四種云走者君臣急諫諍則越三等為走階越一
等為歷階又有連步又有栗階為四等也燕禮記凡
栗階不過二等注云其始升猶聚足連步越二等左
右足各一發而升堂疏云凡升階之法有四等連步
一也栗階二也歷階三也歷階謂從下至上皆越等

言文解字集註 卷六
無連步若禮檀弓云杜蕢入寢歷階而升是也越階
四也越階謂左右足越三等若公羊傳云趙盾避靈
公踏階而走是也

迹

步處也從走亦聲資音切

步處也者哀十四年左傳迹人來告杜云主迹禽獸
者周禮地官有迹人春秋合誠圖黃帝有迹宋均曰
迹形迹楚詞九章言與行其可迹兮注云所履為迹
莊子天運篇夫迹履之所出抱朴子祛惑篇所謂迹

者足之自出而非足也俗作跡釋名跡積也積累而
前也左傳車轍馬跡焉北史齊本紀廢帝初學反語
於跡字下注云自反時侍者未達其故太子曰跡字
足旁亦為跡豈非自反耶

蹟

或從反責

迹

籀文迹從束

文見古鼓

迹

無違也從走牽聲讀若害胡蓋切

說文解字

卷六

五

無違也者違礙也本書軼礙車也牽兩穿相背違
遼礙聲義同無字衍

率

先道也從走率聲

疏容切

先道也者道廣韻作導宣十二年左傳引詩元戎十
乘以先啟行注云王者軍行必有戎車十乘在前開
道人為備或借率字晉志凡皇太子出前衛率導在
前黃麾外春秋元命包律之為言率也所以率氣令
達也宋均注云率猶導也詩采芑方叔率止箋云率

此戎車士卒而行也詩又云淪胥以鋪傳云淪率也
爾雅淪率也漢書叙傳薰胥以刑晉灼曰齊魯韓詩
作薰薰帥也采薇序云命將率遣戍役以守衛中國
荀子富國篇將率不能則兵弱尉繚子故五人而伍
十人而什百人而卒千人而率萬人而將漢書申屠
嘉傳遷為隊率顏注一隊之率也又借帥字士昏禮
祝帥婦以入注云帥道也聘禮請帥奠幣注云帥猶
導也又云使者朝服帥眾介夕注云古文帥皆作率

覲禮帥乃初事注云今文帥作率夏官校人田獵則帥驅逆之車注云帥猶將也司常帥都建旗本書引作率都春秋隱二年無佗帥帥入極宣十二年左傳帥七覆于教前注云帥將也襄十年左傳牽率老夫以至於此

𨔵 遠行也從走萬省聲莫話切

遠行也者廣韻邁行也遠也釋言邁行也書大禹謨臯陶邁種德說命予惟克邁乃訓傳並云邁行也詩

黍離行邁靡靡蟋蟀日月其邁東門之枌越以駸邁傳並云邁行也崧高申伯信邁棧樸周王于邁小宛我日斯邁箋並云邁行也 萬省聲者徐鍇本作萬聲案本書蠓從萬聲讀若賴

𨔵 邁或不省

或不省者徐鍇本作或從邁

𨔵 視行兒從走川聲詳遵切

視行兒者宋本小字本徐鍇本並作延行兒案延當

為延本書延安步延延也漢書賈誼傳遁巡不敢進
遁巡即遠巡猶遷延也今作視行者地官土訓王巡
守則夾王車注云巡守行視所守也宣二年左傳宋
城華元為植巡功正義云植為將領主帥監作者也
巡功謂巡城檢作功也襄九年左傳巡丈城杜云巡
行也襄三十一年左傳僕人巡宮又云事則巡之注
云巡行也巡宮行夜桓十二年左傳伐絞之役楚師
分涉於彭羅人欲伐之使伯嘉謀之三巡數之杜云

巡徧也正義云謂巡繞徧行之

謹 恭謹行也從走殷聲讀若九居又切

恭謹行也者殷從車車謹也殷揉屈謂曲脊行

社 步行也從走土聲同都切

步行也者易舍車而徒王肅云是徒也

繇 行遠徑也從走繇聲以周切

方言遙疾行也玉篇廣韻並作遙又作由廣雅由行
也又作繇釋詁繇道也 書微子之命率由典常

亦作殷下同

言文解字集證 卷六
論語民可使由之 禮祭統是故隆禮由禮謂之有
方之士疏云由行也 論語誰能出不由戶 史記
仲尼弟子列傳仲由字子路顏無繇字路集解音遙
正義音由 漢書人表繇余即由余 曹植雜詩將
聘萬里塗東路安足由
行繇徑也者秋官野廬氏禁野之橫行徑踰者注云
徑踰射邪趨疾越隄渠也論語行不由徑孫子九變
篇途有所不由注云隘阻之地所不當從

延

正行也從彡正聲

諸盈切

漢書年表征和皆作延和

正行也者經典用或體作征釋言征行也郭云詩曰
王出于征書序作成王政馬本政作征注云征正也
孟子征之為言正也詩肅肅宵征傳云征行小明我
征徂西黍苗烈烈征師小宛而月斯征黍稷征以中
垢箋並云征行也

延

延或從彡

延

說文解字義證 卷六

從也從辵省聲切為

從也者本書從隨行也易震卦隨元亨利貞无咎鄭云天下之人咸慕其行而隨從之故謂之隨也詩大雅無縱詭隨秦策三資者備而王隨之矣高云隨從也 墮省聲者徐鉉本作階聲

詩

行兒從辵市聲蒲撥切

文當作叙

行兒者廣雅逆猝也玉篇逆急走或借沛字詩蕩顛

沛之揭論語顛沛必於是

迂

往也從辵王聲春秋傳日子無我迂于放切

往也者廣雅同襄二十八年左傳君使迂子晨勞於東門之外注云迂往也襄三十一年左傳衛襄公過鄭印段迂勞於棊林 春秋傳日子無我迂者昭二十一年左傳文彼注云迂恐也楚詞魂迂迂而南行王曰迂迂惶遽貌長門賦迂迂若有止李善云迂迂恐懼之貌

𨔵

往也從辵折聲讀若誓時制切

往也者釋詁文方言逝往也逝秦晉語也書大誥若昔朕其逝王肅注我其往東征矣詩谷風毋逝我梁傳云逝之也杜牧期逝不至二子乘舟汎汎其逝東門之粉穀且于逝傳並云逝往也又逝將去女逝彼百泉言不可逝矣思變季女逝兮箋並云逝往也論語君子可逝也色云逝往也

且

往也從辵且聲退齊語全徒切

往也者釋詁文經典用或體作徂釋名徂亦往也書大禹謨汝徂征說命自河徂亳肩征肩侯承王命徂征傳並云徂往也詩四月六月徂暑傳云徂往也氓自我徂爾小明我征徂西楚茨徂賚考孫箋並云徂往也十月之交以居徂向箋云往居於向後漢書西南夷傳朱輔上疏云詩云彼徂者岐有夷之行注引薛君章句徂往也或借且字漆消士曰既且傳云且往也退齊語者方言徂往也徂齊語也

祖 退或不

逋 籀文從盧

逋 循也從彡木聲食聿切

循也者釋詁文彼作適孫炎曰適古述字釋訓不適不蹟也郭注言不循軌跡也釋文云適古述字馥案詩汚水念彼不蹟傳云不蹟不循道也廣雅循述也書康誥今民將在祗適乃文考馬云適述也孔傳云敬循汝文德之文五子之歌述大禹之戒以作歌傳

初小篆子也係書作循而不作

云述循也少牢饋食禮遂述命注云述循也士喪禮筮人許諾不述命注云述循也既受命而申言之曰述詩日月報我不述傳云述循也論語述而不作五音集韻引禮父作之子述之

循 籀文從秝

循 循也從彡尊聲將倫切

循也者釋詁文廣雅同詩酌篇遵養時晦傳云遵率也楚詞離騷循繩墨而不頗李善注思元賦引作遵

九章導江夏以流亡王注遵循也周書謚法解遵循也漢書王褒傳遵游自然之執

適

之也者從辵雷聲適宋魯語施隻切

之也者釋詁適往也之往也書多士有夏不適逸傳云夏桀為政不之逸樂監庚民不適有居傳云適之也詩北門不事適我緇衣適子之館兮四月爰其適歸傳並云適之也蒼伯誰適與謀箋云適往也叔于田叔適野箋云適之也少儀適有喪者曰比注云適之

也秋官小行人使適四方注云適之也內則以適父母舅姑之所注云適之大學人之其所親愛而辟焉注云之適也適宋魯語者方言適往也適宋魯語也案論語子適衛又云赤之適齊也又云之一邦皆魯語

適

度也從辵昌聲古禾切

易繫辭範圍天地之化而不過書禹貢東過洛汭北過洛水檀弓過之者俯而就之論語楚狂接

言文解字集註 卷六
與歌孔子過之又云有荷蕢而過孔氏之門者 孟子
子三過其門而不入又云過我門而不入我室

度也者廣雅過渡也玉篇過度也越也本書越度也

貫習也從走貫聲

工患切

習也者釋詁文彼作貫郭云貫貫狀也釋文云本又
作遺同本書攢習也詩猗嗟射則貫兮箋云貫習也
司馬法習貫成則民體俗矣尚書大傳戰鬥不可不
習故於蒐狩以閑之也閑之者貫之也貫之者習之

也宣六年左傳以盈其貫注云貫猶習也

媮媮遺也從走賣聲

徒谷切

媮遺也者本書媮媮也媮媮媮也或借瀆字昭元年

左傳瀆齊盟注云瀆慢也二十六年傳國有外援不

可瀆也注云瀆慢也

登登也從走闥聲

即又切

登也者玉篇進升也書盤庚乃登進厥民王制大樂
正論造士之秀者以告於王而升諸司馬曰進士表

記君子三揖而進注云人之相見三揖三讓以升賓階

造

就也從走告聲譚長說造上士也

七到切

魏志武帝紀選其鄉之俊造而教習之

就也者易乾卦大人造也釋文云王肅云造就也書君奭攸罔勛不及者造德不降鄭注造成也詩思齊小子有造箋云子弟皆有所造成成十三年左傳則是我有大造於西也杜云造成也譚長說造上士

也者天官冢宰上士八人王制升於司徒者不征於鄉升於學者不征於司徒曰造士注云造成也能習禮則為成士漢食貨志里胥餘子在序室未任役使者八歲入小學學六甲五方書計之事以知室家長幼之節十五入大學學先聖禮樂知君臣之禮有秀異者移國學諸侯貢小學之賢於大學命曰造士造成也商子境內篇故爵公士也就為上造也故四更也就為大良造徐野民曰秦爵二十級日上造十五

說文解字詁林卷六
日少上造十六日大上造徐鍇曰按春秋左傳曰士臣卑卑臣隸此士天子元士周禮一命者也卑猶造也秦漢十等爵有上造顏師古曰造成也言有成命於上也譚長說所謂造上士則秦之大上造也

𦨭

古文造從舟

古銅戈文曰羊子之船戈

從舟者詩造舟為梁又云就其深矣方之舟之擇水天子造舟釋文云造廣雅作船案說文船古造也昭

元年左傳造舟於河杜云造舟為梁

逾

越進也從走俞聲周書曰無敢昏逾

羊朱切

經典作踰字易謙卦卑而不可踰王制朋友不相踰曲禮禮不踰節孟子禮朝廷不歷位而相與言不踰階而相揖也又借愈字論語孰愈孟子丹之治水也愈於禹趙注自謂過禹也又借俞字荀子俞少俞辱又借瘡字藝文志不猶瘡於其野乎
越進也者禹貢逾于洛傳云逾越也周書曰無敢

昏逾者顧命文傳無敢昏亂逾越

逄

逄也從走眾聲徒合切

釋言逮還也郭云今荆楚人皆云還 方言迨還及也 東齊曰迨關之東西曰還或曰及 哀十四年公羊 傳祖之所逮聞也漢石經逮作還選 本書徂云此與 馭同案馭馬行相及也還徂馭三字聲義並相近迨 也者還迨疊韻廣韻迨運行相及也徐鍇日史記魚 鱗雜還烟至風起謂迨還並進也

給

還也從辵合聲侯閣切

迨

迨迨起也從辵作省聲阻革切

迨迨起也者公羊傳今若是迨而與季子國注云 迨也倉卒意聲類相迨迫也歎逝賦途薄暮而意迨 後漢竇融傳囂執排迨不得進退注云排迨蹙也或 借乍字孟子今人乍見孺子將入於井又借詐字僖 三十三年公羊傳詐戰何休云詐卒也齊人語 作 省聲者本書作起也

迹道

迹道

也從走昔聲

倉各切

迹道也者迹廣韻引作送玉篇道送道也廣雅道送也經典借錯字釋名絞交與物交錯也本書轆車錯藉交錯也易繫辭錯綜其數王肅曰錯交也又物相雜故曰交也韓康伯曰剛柔交錯玄黃錯雜詩獻疇交傳東西為交邪行為錯禮文王世子禮樂交錯於中祭儀不錯則隨注錯雁行也父黨隨行兄黨雁行檀弓注云其文如蟻行往來相交錯史記扁鵲傳太子

病氣血不時交錯淳于髡傳履為交錯文選辨命論

交錯糾紛

往來

往來數也從走耑聲易曰呂事遄往

市緣切

往來數也者釋詁遄速也考工記不微至無以為戚速也鄭注速書或作數也釋詁亟速也鄭注少儀亟數也祭義其行也趨趨以數注云趨讀如促數之數言速也詩相鼠胡不遄死傳云遄速也泉水遄臻于衛傳云遄疾也崧高式遄其行箋云遄速也文二年

左傳引詩亂庶遄沮杜云遄疾也定十年傳涉他亦
遄矣哉杜云遄速也 易曰臣事遄往者損卦初九
文彼作已王注遄速也釋文云已本作以

速

疾也從走束聲

桑谷切

疾也者釋詁文方言速疾也東齊海岱之間曰速學
記雖終其業其去之必速注云速疾也公羊傳尚速
有悔於其身注云速疾也

速

籀文從款

管子侈靡篇水平而流不無源則漱竭

呂氏春秋辨

士篇莖生有行故漱長弱不相害故漱大高誘云漱

疾也

速

古文從敕從言

從言者釋言速徵也郭引易不速之客易釋文引馬
融云速召也鄉飲酒主人速賓馥謂速者徵召之意
故从言

迅

疾也從走凡聲

息進切

說文

解字義

卷六

十九

疾也者釋詁文淮南時則訓鳴鳩奮其羽高注奮迅

其羽直刺上飛也樂記訊疾以雅注云訊奮訊也釋

文訊本又作迅在以上舊本以風雨之下漢書楊雄傳焱駭雲訊顏注訊亦奮

迅

活

疾也從走昏聲讀與括同古活切

疾也者或借活字文選長笛賦汨活澎滂李善注汨

活疾貌

迎

迎也從辵逆聲關東曰逆關西曰迎宜戰切

迎也者釋言文書顧命逆子釗于南門之外周禮小

祝逆時雨注云逆迎也小宰以逆邦國都鄙官府之

治注云逆迎受之春秋隱二年紀裂繻未逆女史記

五帝紀迎日推策注謂逆數之也 關東曰逆關西

曰迎者方言逆迎也自關而東曰逆自關而西或曰

迎

迎

逢也從辵卬聲語京切

詩大雅親迎于渭 淮南覽冥訓不將不迎高注將

送也迎接也

逢也者方言逢迎逆也孟子逢君之惡其罪大趙注逢迎也君於惡心未發臣以諂媚逢迎之漢書東方朔傳逢占射覆顏注逢占逆占事

交會也從走交聲古肴切

會也者廣韻迭合也文選沈約詩神交疲夢寐李善引本書同

遇逢也從走禺聲牛具切

春秋隱四年夏公及宋公遇于清公羊傳遇者何不期也八年春宋公衛侯遇于垂穀梁傳不期而會曰遇書序乃遇汝鳩汝方傳云不期而會曰遇逢也者玉篇遇道路相逢也文選薦禰衡表遭遇厄運李善引本書同

遭遇也從辵瞞聲一日灑行作曹切

遇也者曲禮遭先生於道漢書禮樂志幸遭遇其時後漢書馮衍傳自傷不遭注云遭遇也

遇也從走聿聲古侯切

遇也者釋詁文詩借逅字野有蔓草邂逅相遇傳云邂逅不期而會釋文云逅本亦作遘又借始字易始卦彖始遇也釋文云薛云始古文作遘書大誥予造天役釋文引馬注造遺也馥祭遺當為遘漢書翟義傳引書予遭天役

遇也從走峯省聲

遇也者釋詁文宣三年左傳莫能逢之杜云逢遇也

相遇驚也從走𠄎𠄎亦聲五各切

俗作愕後漢寒朗傳錯愕不能對周禮噩夢杜子春云噩當為驚愕之愕

相遇驚也者釋詁遇選也選見也龍龕手鑑引舊注心不欲見而見曰選釋名選選也選不從其理則生殿選不順也廣雅𠄎驚也列子黃帝篇是故選物而不懼注云選遇也向秀曰不懼遇而不恐也殷敬順釋文云心不欲見而見曰選楚詞九章重華不可選

兮注云選逢後漢書張衡傳幸二八之選虞兮注云
 選遇也崔駰傳美伊傳之選時注云選遇也陳蕃傳
 王甫時出與蕃相迂注云迂猶遇也紫玉篇迂與選
 同幽通賦曰乘高而選神兮曹大家曰選遇也玉篇
 選與迂同後漢書陳蕃傳王甫時出與蕃相迂注云
 迂猶遇也或借盟字賈誼書其衆之見將吏猶盟迂
 仇讐也 并亦聲者當為辨聲

由

道也從辵由聲

徒歷切

道也者釋詁文書大禹謨惠迪吉傳云迪道也

遞

更易也從辵虎聲

特計切

更易也者釋言遞迭也李巡云遞者更迭間廁相代
 之義劉歆說五聲云徵者祉也事也其聲抑揚遞續
 其音如事之緒而為迭小爾雅廣詁遞更也本書飲
 遞也廣雅遞飲並云代也漢書郊祀歌四興遞代八
 風生王褒傳雖伯牙操遞鐘晉灼曰遞者遞送之遞
 二十四鐘各有節奏繫之不常故曰遞舞賦於是合

場通進李善云通迭也下蘭許昌宮賦與七盤其通
奏或借恣字方言恣代也郭云今俗亦名更代作為
恣作也

通 達也從辵通聲他紅切

達也者小爾疋廣詁同釋名通洞也無所不貫洞也
尚書達四聰韓詩外傳作通四聰達於淮泗漢書作
通於淮泗左傳宮之奇達心而懦新序作通心而懦
圖經通州以其居四達之路故以為名

迻 迻也從辵止聲斯氏切

禮記經解使人日徙善遠罪而不自知也徙漢書作遷
漢書陳陽傳逸湯為庶人徙邊 潘岳閑居賦孟母
所以三徙也

𨔵 徙或從彳

屎 古文徙

詩民之方殿屎屎即屎之省文借徙字也

𨔵 遷徙也從辵多聲弋支切

經典借移字書多士移爾遐逝禮玉藻疾趨則欲發而手足毋移昭四年左傳吾不遷矣注云遷移也楚詞七諫鶴弭翼而屏移曹植鷓鴣雀賦得鷓言意甚不移注云移遷也尹宙碑支判流徙是以本書移下引論語跂予之足變走以足

遷徙也者釋詁同郭云今江東通言遷徙廣雅遷徙移也易繫辭為道也屢遷虞翻云遷徙也詩以我賄遷傳云遷徙也鄉射禮遷樂于下注云遷徙也月令

民乃遷徙昭十九年左傳勞罷死轉注云轉遷徙也

登也從走遷聲七然切

登也者五音篇海引字林同廣韻遷去下之高也易益卦君子以見善則遷馥謂從善如登者遷善也詩伐木遷于喬木漢書賈誼傳誼超遷歲中至大中大夫趙宦先曰商書盤庚遷于殷乃登進厥民

古文遷從手西

徐鉉本作𨾏從古文西李陽冰庚公德政頌風插一

𨾏

方馥謂從西者西聲也與苗同漢書律歷志少陰者西方西遷也陰氣遷落物

運

從徙也從走軍聲

王門切

易繫辭日月運行 孟子亦運而已矣注云則亦運行奔走而去矣

運徙也者釋詁運徙也莊子海運釋文云簡文云運徙也

遁

遷也一日逃也從走盾聲

徒困切

詩勉爾遁思

遷也者孟子遁辭知其所窮馥謂王頤左右而言他遷而之他也管子母見異物而遷焉 一日逃也者僖二十八年左傳曳柴而遁劉歆列女贊衛君不聽後果遁逃

遁

也從走孫聲

蘇困切

遁也者釋言文彼作遯郭云謂逃去本書墜遯遁也書堯典序將遜于位傳云遜遁也經典借遜字詩公

說文解字集註 卷六 二十六
孫頤膚箋云孫讀當如公孫于齊之孫孫之言孫遁也春秋莊元年夫人孫于齊公羊云孫者何孫猶孫也何休云孫猶遁也穀梁云孫之為言猶孫也諱奔也范甯云孫孫遁而去

返

還也從辵從反反亦聲商書曰祖甲返扶版切

還也者釋言還返也書金縢反風馬注風還反也詩何人斯爾還而入箋云還行反也衛策至境而反高云反還韓策周必寬而反之 反亦聲者當為反聲

商書曰祖甲返者集韻引作祖伊返與西伯戡黎

文同

返

春秋傳返從辵

今左傳皆作返與古本異

復

復也從辵衆聲戶閑切

復也者復當為夏本書夏行故道也釋訓還復返也

小爾雅廣言復還也

𨔵

遣也從辵異異遣之異亦聲一曰選擇也

說文

解字

集註

卷六

二十六

初有一切便音字十九云說文選
擇也而缺曰選字林選同採
此小選去 作於

遣也者本書罷遣有罪也言有賢能而入國而賞遣
之 異遣之者本書異從巳馥謂遣之當有尸 異
亦聲者當為異聲 一曰選擇也者廣雅選也詩舞
則選兮箋云 異謂予等倫最上地官充人展牲鄭
司農云展具也具牲若今時選牲也禮運選賢與能
襄九年左傳舉不失選昭四年左傳君其選馬杜云
選擇取用魯語其為選事乎韋注自選擇其職事論
語選於衆孟子選擇而使子荀子儒效篇遂選馬而

亦有或作換

進注云選揀擇也淮南說山訓撰良馬者非以逐狐
狸將以射麋鹿也

𨔵 遣也從走俊省聲 蘇弄切

遣也者一切經音義引作去也玉篇遣送也去也既
夕禮書遣于策注云遣猶送也曲禮使者歸則必拜
送於門外

𨔵 籀文不省

𨔵 縱也從辵遣聲 去衍切

僖二十三年左傳姜氏與子犯謀醉而遣之檀弓
遣一乘車注云人臣賜車馬者乃得有遣車漢書孔
光傳遣歸故郡

縱也者本書縱舍也廣雅縱置也玉篇縱放也詩抑
縱送忌

灑行灑也從走麗聲力紙切

行灑也者類篇引作行灑迤也玉篇廣韻同釋迤
灑旁行也集韻灑迤旁行連延也

遶

遶唐逮及也從走隶聲徒耐切

本書及籀文作遶吳子圖國篇僵尸而哀之無逮
於仁矣魏志臧洪傳但恐見禁忌制不相及逮耳
或作迨字詩伐木迨我暇矣斲有苦葉迨冰未泮傳
云迨及又迨其吉兮箋云迨及也

唐逮及也者詩唐棣字林音大內反禮記孔子閒居
襄三十一年左傳引詩威儀棣棣並作逮本書隶
及也隸及也及逮也釋言逮及也書費誓無敢不逮

傳云無敢不相逮及詩柔柔并云不逮箋云逮及也
大學蓄必逮夫身樂記恐不逮事也注並云逮及也
大戴禮衛將軍又子篇賜有逮及焉有未及焉晉語
乃逮于讒韋云逮及也漢書刑法志逮繫長安顏注
辭之所及則追捕之故謂之逮宣元六王傳又聞北
海之瀕有賢人焉累世不可逮顏注逮及也漢書張
皓傳雖追前失悔之何逮注云逮及也梁商傳宜早
訖竟以上逮捕之煩注云逮及也詞所連及即追捕

所外字

捕之也文選長楊賦逮至聖人五臣云逮及也異苑
魏郡徐逮宋君及宋書王華傳奴子怠懈行不及我
或作迨詩伐木迨我暇矣苑有苦葉迨冰未泮傳云
迨及又迨其及兮箋迨及也

遲

徐行也從辵犀聲詩曰行道遲遲直尼切

徐行也者釋名遲頽也不進之言也玉藻君子之容
舒遲孔子閒居無體之禮威儀遲遲注云遲、緩而
不迫也詩曰行道遲、者邶風谷風文傳云遲遲

說文解字義登卷六

言文解字集言 卷六
舒行貌

𠄎 遲或從尼

尼古文仁字漢銅印有尼字乃古文夷也

或從尼者錢君大昕日記張釋之馮唐列傳陵遲而
至於二世漢書作陵夷平準書選舉陵遲漢志亦作
夷司馬相如傳陵夷衰微漢書作遲古文夷與遲通
詩周道倭遲韓詩作郁夷淮南原道訓馮夷大丙之
御高誘云夷或作遲委壽碑緝衡門即栖遲也說

文遲或作迟从尼尼古文夷字馥案漢書楊雄傳徘徊招搖靈遲迟分顏注遲音栖迟音文夷反宋祁曰張揖字詒云迟今遲徐也馥謂遲迟即遲犀遲本書犀下云犀遲也

𠄎 籀文從犀

本書犀犀遲

徐也從走黎聲

郎奚切

徐也者廣雅遼遲也史記高祖本紀黎明圍宛城

三市漢書作遲明顏注此言圍城事畢然後天明明
 遲於事故曰遲明史記遲字作遼亦疾緩之意也馥
 按衛青傳遲明行二百餘里顏注遲待也待天欲明
 也唐書李懷仙傳遼明朱泚懼欲止劉悟傳悟夜半
 薄西門遼明啟而入宦者劉季述傳遼明陳兵廷中
 程大昌曰黎明者黎黑也黑欲明相雜欲晚未曉之
 交也猶曰昧爽也昧暗也爽明也亦明暗相雜也遲
 明未及乎明也厥明質明則已曉也文選舞賦黎收

初有十

而拜李善云蒼頡篇曰遼徐也遼與黎同又借黎字
 史記晉世家犁二五年 黎聲者徐鍇本作黎省聲
 案當為黎本書黎一日怠徐鍇曰黎遲也故為怠馥
 謂省者省心也



去也從走帶聲特計切

去也者夏小正九月遘鴻雁傳云遘往也史記賈誼
 傳鳳漂其高遘



行兒從走開聲鳩立切

𨔵

馬不行也從走馬聲讀若仕切

馬不行也者宋本小字本玉篇廣韻並無馬字

聲者本書騷郵聲同住聲亦相近也

𨔵

止也從走豆聲

田侯切

止也者李善注江文通詩引本書同後漢書注引作

𨔵止也玉篇𨔵𨔵也住也止也一切經音義云𨔵字

書𨔵也說文止也廣雅止𨔵也漢書匈奴傳𨔵通不

進孟康曰律語也謂軍行頓止稽留不進也後漢書

光武紀邊吏追虜料敵不拘以𨔵留法注云說文曰

𨔵留止也或借投字文選長笛賦察度於句投李善

云說文曰𨔵止也投與𨔵古字通投句之所止也字

林定訂𨔵溜也案今言餽餉是

𨔵

曲行也從走只聲

綺戰切

曲行也者本書𨔵象𨔵曲隱蔽形廣雅𨔵曲也漢書

韓安國傳𨔵橈當斬服虔曰𨔵音企應劭曰𨔵曲行

避敵也馥謂𨔵當作此𨔵字

初有馬旁左。讀
若仕大聲 此脫

透

透迤衰去之兒從走委聲

於為切

透迤衰去之兒者李善注舞賦引作透蛇邪行去也

廣雅透蛇透衰也釋訓委委美也孫炎云委之行

美馥案詩君子偕老委委佗佗傳云透者行可委

曲縱迹也詩羔羊委蛇委蛇詩詩作透迤或作倭張

衡西京賦女娥坐而長歌聲清暢而倭蛇又作迤逢

盛碑當盛迤迤又作威夷琴賦臨迴江之威夷

透

或從虫為

透

衰行也從走也聲夏書曰東迤北會于滙

移爾切

衰行也者廣雅衰行也考工記弓人居幹之道菑栗

不迤則弓不發鄭司農云迤謂邪行絕里者又戈秘

六尺有寸既建而迤注云謂著戈於車邪倚也張衡

東京賦玄戈迤憂李善云迤衰也曾僕曰許慎云迤

邪行今江水過洞庭至巴陵而後東北邪行合於彭

蠡經典借作施孟子施從良人之所之趙注施者邪

施而行史記賈生傳庚子曰施兮索隱云施猶西斜

也 夏書曰東迪北會于滙者禹貢文傳云迪溢也
疏云靡迪斜出之言也

通

回避也從走通聲

余律切

回避也者衮避也詩抑篇回適其德桑柔民之回適
表記引詩凱弟君子注云言樂易之君子不為回邪
之行幽通賦叛迴冗其若茲兮李善引韓詩謀猶迴
冗五臣云迴冗邪僻也馥案回避即回僻本書僻避
也詩謀猶回適也傳云回邪適辟

辟

回也從走辟聲

毗義切

回也者一切經音義引倉頡篇避去也謂遠離處也
晉中興書盧綝入直逢尚書刁協於大司馬門外協
使綝避之綝以當直不肯回成三年左傳雖遇執事
其弗敢違注云違避也後漢書楊彪傳欲遷都以違
其難注云違避也馥謂違猶回也

離

離也從走韋聲

羽非切

離也者本書去下云人相違也易乾卦憂則違之注

知難而避書堯典靜言庸違詩谷風中心有違傳云
違離也節南山惡怒是違傳云違去也論語去而違
之違之之一邦表記事君三違而不出竟注云違猶
去也雜記違諸侯之大夫不反服注云違猶去也宣
十年左傳凡諸侯之大夫違釋例云迫窘而奔及以
禮見放俱去其國故傳通以違為文成十六年傳相
違於淖注云違辟也成十七年傳孟姬之讒吾其違
兵杜云違去也莊四年傳紀侯大去其國違齊難也

知難

注云違辟也閔二年傳不如違之杜云違去也昭二
十年傳齊顏涿聚之子救鄭及留舒違穀七里穀人
不知杜云違去也通鑑劉備陰欲離表紹注云離去
也

知難

遯

行難也從走遯聲易曰以往遯

良反切

行難也者當為難行漢書功臣表遯東布章晉灼曰
許慎遯難行也言今難行封 易曰以往遯者蒙卦
初六文彼作吝口部吝下引易以往吝

或從人

復也從走交聲七倫切

漢書公孫弘傳有德者進無德者退則朝廷尊有功者上無功者下則羣臣退 楚詞九章遂次而無驅兮 祝睦碑鄉黨遂巡遂

復也者復當為復徐錯韻譜遂復也玉篇遂退釋言

字本其此五字未詳即本

遂退也郭云遂巡却去也外傳曰已復於事而遂案

今齊語有司已事而竣韋注遂退伏也方言遂遁也

徐錯韻譜遂下但云七倫及竣下則云退也

晏子春秋晏子遂遁對曰管子桓公寔然遂遁漢書

外戚傳遂遁固讓叙傳遂遁致仕鄉射禮注少退少

遂遁也聘禮注三退三遂遁也又退為大夫降遂遁

玉藻注俛遂遁而退著屨也鄭固碑遂遁退讓或作

遵循靈樞經黃帝避席遵循而却又作後王莽傳後

儉隆約以矯世俗顏注俊音千旬返退也

怒不進也從走氏聲都禮切

怒不進也者徐錯本下云一日驚也玉篇返驚不進

也廣韻返驚也駭也

逖

行不相遇也從辵牽聲詩曰挑兮達兮徒葛切

行不相遇也者詩子衿文所引無行字釋名達徹也廣雅達通也書克達殷集厥命石經作通馥案不相遇故能達魏志弁辰其俗行者相逢皆住讓路是也詩曰挑兮達兮者鄭風子衿文傳云挑達往來相見貌本書史下引詩史兮達兮

逖

達或從大或曰迭

或曰迭者即毛傳往來義

逖

行謹遠也從辵录聲盧谷切

行謹遠也者方言遠行也淮南精神訓渾然而往遠然而來高云遠謂無所為忽然往來也

迥

迥迭也從辵同聲迭弄切

迥迭也者迭當為迭徐鉉韻譜迥過也廣韻同玉篇迥通達也史記倉公傳診其脉迥風注云言風迥徹五藏也太玄迥、不屈注云迥達故通而不屈或借

洞字史記蘇秦傳遠者括臂洞胷司馬相如子虛賦
洞胸達腋

更迭也從走失聲一曰迭徒結切

易迭用柔剛 孟子迭為賓主 公羊傳弟兄迭為
君禮運五行之動迭相竭也

更迭也者一切經音義迭更代也顏注急就篇更言
其去來更代也廣韻迭代也小爾雅廣詁迭更也昭
十七年左傳三呼皆迭對杜云迭更也漢高后五年

初令戌卒歲更昭帝紀逋更賦未入者皆切收如淳

曰更有更古者正卒無常人皆當迭為之一月一更

是為卒更也釋地北方有比肩民焉迭食而迭望郭

云更望備警急通鑑趙王虎以秦公鞮與太子迭日

省可尚書奏事注云迭日更日也本書忒更也虞翻

易傳云忒差迭或借軼字史記封禪書軼興軼衰漢

書作迭又借佚字方言佚代也齊曰佚史記十二諸

侯年表四國佚興文十一年穀梁傳兄弟三人佚宕

中國注云迭猶更也

迷 惑也從辵米聲莫兮切

舜典烈風雷雨弗迷 列子禹治水土也迷而失墜

新序晉文公出田逐獸入大澤迷不知所出

惑也者釋言文廣韻惑迷也韓子桓公伐孤竹春往而冬返迷惑失道

連 負連也從辵從車力延切

負連也者楊君峒曰當為貫連故轡與連同意馥案

符榮五音韻

諸作負連也是也
所負之連之也連
後如輦俗字作
連一切經音義
卷十一出負連
字而說之曰力剪
及淮南子連載
案本而正許冰者
曰標撥之也字皆
作輦也符案負
連二字字皆疑
之及者後其字
亦力微其合故
不憚復也

本書玉象三玉之連一其貫也三畫而連其中謂之

王孔子曰一貫三為王暴頸連也嬰頸飾也則其連

也馭繫連也續連也輦連車也凡訓連者皆有連貫

意釋名來孫之子曰昆孫昆通也恩情轉遠以禮貫

連之爾傳咸叙連珠云欲使歷如貫珠故謂之珠

連左思詩嬌語若連瑣集韻輶車軸也連曰輶本書

又云屬連也叙云同條牽屬共理相貫廣雅牽連也

淮南要畧訓拘繫牽理連於物馥謂同貫而後能牽

需卦敬慎不敗也論語魚餒而肉敗桓十八年左傳
 女有家男有室無相瀆也謂之有禮易此敗杜云違
 此則為瀆當致禍亂莊十一年左傳大崩曰敗績杜
 云師徒撓敗若沮岸崩山荀子賦篇事成而家敗顏
 氏家訓江南學士讀左傳口相傳述自為凡例軍自
 敗曰敗打破人軍曰敗讀補敗反諸記傳未見補敗
 反徐仙民讀左氏唯一處有此音又不言自敗敗人
 之別此為穿鑿耳馥案自敗當作退敗人當作敗音

義有別並非穿鑿增韻凡物不自敗而敗之則北邁
 切物自毀壞則薄邁切物自毀壞即退字 周書曰
 我興受其退者尚書微子文彼作敗本書引弗其考
 長亦稱周書

遁

逃也從彡官聲

胡玩切

逃也者釋言文樊光曰行相避逃謂之遁書太甲自
 作孽不可遁傳云遁逃也

遁

或從隹從兆

從兆者兆當為兆音兵劉切重八也八象分別相背
故有逃義此字单行可屬八部从兆霍聲若作兆則
不知何屬矣

𨔵

逃也從走從豚徒困切

逃也者廣雅遯去也鄭注易卦云遯逃去之名緇衣
教之以政齊之以刑則民有遯心注云遯逃也淮南
云盧敖見若士遯乎碑注云匿於碑陰字或作遂漢
書匈奴傳遂逃竄伏叙傳攜手遂秦易遯卦詩寧俾

我遯釋文並云本一作遂從豚者徐鍇本作豚聲孟
子如追放豚

逋

止也從走甫聲博孤切

止也者廣雅逋止也一切經音義逋逃也書費誓臣
妾逋逃傳訓逋止大誥予惟以爾庶邦于伐殷逋播
臣傳云往伐殷逋止之臣牧誓乃惟四方之多罪逋
逃是崇是長傳云尊長逃止罪人武成為天下逋逃
主傳云逋亡也僖十五年左傳六年其逋注云逋亡

主傳云逋也僖十五年左傳六年其逋注云逋也

逋 籀文逋從捕

從捕者捕當捕故從捕

遺 也從辵覺聲

以追切

易泰卦不遐遺注云用心弘大無所遺棄也 秋官

司刺三日遺忘 漢書賈誼傳功不遺矣 後漢書

桓榮傳慮無遺計

也者廣雅同詩谷風棄子如遺傳云遺也鄉飲酒義知其能弟長而無遺矣注云遺猶脫也也

逋 也從辵豕聲

徐醉切

也者當作佻釋訓逋逋作也郭注物盛興作之貌


廣韻逋達也進也往也易大壯不能退不能遂書仲

虺之誥顯忠遂良傳云良則進之也月令慶賜遂行

注云言通達施行按漢書郊祀志青陽開動根莖以

遂

逋 古文遂


 逋也從辵非聲徒刀切

或借跳字史記高祖本紀漢王跳漢書劉澤傳跳驅至長安


亡也者本書亡逃也春秋通例凡言逃者皆謂義當留而竊去者也史記吳世家季札讓逃去楚世家楚懷王亡逃歸後漢書謝該傳良才抱璞而逃所謂往而不返者也韓詩外傳齊桓公出游遇大丈夫帶着

初作一

桃及怪而問之曰桃之為言亡也夫日日慎桃何患之有

 逐也從辵自聲陟佳切

逐也者本書逐追也方言追隨也或曰逐當為遂漢書五行志歸獄不解茲謂追非顏注追非遂非也楚詞九難歎背繩墨以追曲方即遂曲

 追也從辵從豚省直六切

山海經夸父與日逐 隱九年左傳遇覆者奔祝聃

言文解字集註卷六
逐之 十一年傳賴考叔挾輶以^走子都拔棘以逐之
追也者莊十八年左傳追戎於濟西秋官士師掌鄉
合以比追胥之事注云追追寇也 從豚省者當從
豕聲釋詁逐病也逐即豚字豕豕絆足故可追也

酉

迫也從走酉聲

字秋切

迫也者廣雅道迫也楚詞歲忽而道盡秋興賦悟
時歲之道盡兮後漢書張衡傳道白露之為霜舊注
引本書同爾雅釋木杞道木魁鹿釋文云謂叢橫迫

而生釋訓速：盛：惟速鞠也釋文云速郭云迫也
字林云斂聚也馥案道速二字互借郭訓迫者道也
字林訓斂聚者速也陸氏不知速為求之借字引字
林以失之

酉

酒或從道

或者作首考工記首矛注云首之言道也

辵

附也從辵斤聲

渠遼切

附也者當為駙本書駙近也俗作附廣雅附近也


初有於

初以道

古文近

擗也從走鼠聲良涉切

擗也者本書無擗字當為協或借擗字廣雅擗折也
擗即擗之俗體本書撈拉也吳都賦拉擗雷破注云
拉擗木摧傷之聲


迫也從走白聲博陌切

本書促迫也 楚詞遠游悲時俗之迫阨兮 瓠子
歌魚沸鬱兮迫冬日 漢書張耳傳柏人者迫於人

也 長笛賦危殆險巖之所迫也 後漢書朱暉傳

^違迫伏地

近也者廣雅同本書適迫也考工記首矛常有四尺
夷矛三尋注云首之言適也首近夷長矣周禮大司
徒族墳墓注云同宗者生相近死相迫經典借薄字
易說卦傳雷風相薄僖二十四年左傳薄而觀之荀
子天倫篇寒暑未薄而疾吳子敵近而薄我

至也從走至聲人至切

初以質

說文解字 卷六 四十一

釋言駟傳也釋文云郭音云本或作遠聲類云亦駟
字同

邇 近也從辵爾聲兒氏切

近也者釋詁文書舜典柔遠能邇仲虺之誥惟王不
邇聲色傳並云邇近也臯陶謨邇可遠在茲鄭本邇
作近詩汝墳父母孔邇東門之墀其室則邇杜杜征
夫邇止小旻維邇言是聽傳並云邇近也谷風不遠
伊邇民勞柔遠能邇箋並云邇近也韓詩薛君章句

邇近也僖二十二左傳戎事不邇女器成四年傳
國大臣睦而邇於我襄二十八年傳君子有遠慮小
人從邇昭二十七年傳無極也三十年傳使其邇臣
從之杜並云邇近也穀梁傳不使戎邇于我也注云
邇猶近也魯語又求自邇吳語密邇于天子韋注並
云邇近也郊特牲節遠邇之期注云邇近也表記邇
臣守和注云邇近也中庸舜好問而好察邇言又云
辟如行遠必自邇鄭注並云邇近也孟子武王不泄

通注通也近或借爾字地官肆長實相近者相爾也注云通亦近也燕禮爾卿爾大夫注云通近也

𨔵

古文通

古文是作𨔵不從止

𨔵

微止也從走曷聲讀若桑虫之蝎烏割切

微止也者一切經音義云爾雅過止也今以逆相止為過蒼頡篇過遮也詩以按徂旅按即過安曷聲近本書類或作𨔵又文王無過爾躬傳云過止又武篇

勝殷過劉箋云過止也孫子軍爭篇歸師勿過讀

若桑虫之蝎者釋言過逮也方言蝎

𨔵

過也從走庶聲止車切

史記楚懷王亡逃歸秦覺之遮楚道衛世家乃使太子伋于齊而令盜遮界上殺之漢書高帝紀董公遮說漢公後漢書班超傳伏兵遮繫


過也者呂氏春秋名類篇子不遮乎親臣不遮乎君注云遮後過也陳書武帝紀設無遮大會又云設無

進也從走干聲讀若干古寒切

進也者經典借干字楚詞既干進而務入

過也從走侃聲去虔切

過也者本書愆過也籀文作𠄎

連也從走婁聲洛侯切

連也者集韻遠連遠不絕貌本書諫諫也

前也從走市聲賈侍中說一讀若拾又邳北未切

本書前有逆字云行兒此文當為逆


前頓也者玉篇逆口點切又竹季切前頓也類篇逆

乙業切前頓也集韻逆前頓也釋名頓僵也襄四年

左傳甲兵不頓正義云合俗語云委頓是也荀子禮

論篇悻悻詭其所敦惡之文也注云敦讀為頓頓因

躓也一讀若拾者當云一日讀若裕

迦互令不得行也從走加聲古牙切

迦互令不得行也者互當為牙劉貢父云唐人書互

作牙故牙牙易誤玉篇徐鉉韻譜並作牙迦牙疊韻

也錯繫傳云猶犬牙左右相制是也集韻迦榘木相
拒漢書劉向傳宗族盤互顏注字或作牙謂若犬牙
相交如之義也谷永傳百官盤互注同此亦牙互易
誤之證

踰

踰也從走戊聲易曰雜而不迭

王伐切

踰也者本書逾迭也經典與越通曲禮戒勿越疏云
戒慎毋得踰越王制越紼而行事注云越猶躡也
易曰雜而不迭者繫辭傳文彼作越王注各得其序

不相踰越

逞

逞通也從辵呈聲楚謂行為逞春秋傳曰何所不逞

欲丑郢切

楚謂疾行為逞者方言逞疾也楚曰逞 春秋傳曰
何所不逞欲者昭十四年左傳文彼云子何所不逞
欲請送子成十六年傳若逞吾願諸侯皆叛晉可以
逞杜云逞快也桓六年傳令民餒而君逞欲杜云逞
快也

遼 遠也從辵秦聲

洛蕭切

遠也者楚詞九歎山修遠其遼々兮潘岳詩誰晉京
遠室通身實遼魏志張遼字文遠

遼 遠也從辵袁聲

雲阮切

遼也者方言遙遠也詩其人則遠

遼 古文遼

遼 遠也從辵狄聲

他歷切

遠也者釋詁文彼作邊易渙卦上九渙其血去逖出

王云逖遠也書牧誓逖矣西土之人史記周本紀逖

作遠僖二十八年左傳糾逖王惡杜云逖遠也漢書

司馬相如傳使疏逖不閉顏注逖遠也或借逖字詩

瞻卬舍爾介狄傳云狄遠也

古文逖

狄易聲相近本書惕或從狄白虎通狄者易也淮南

子俞兒狄牙即易牙賈誼書亦作狄牙詩抑篇用邊

蠻方潛夫論引作逖古今人表簡邊即簡狄

詞

遠也從辵同聲

戶賴切

遠也者釋詁文彼作洄詩洄酌彼行潦

遠

也從辵卓聲一日蹇也讀若棹苕之棹

敕角切

韓勅碑遠疆之思

遠也者廣雅同本書趨遠也楚詞九辨春秋遠之而

日高兮字或作踔後漢書班固傳遠犖諸夏注云猶

超絕也史記貨殖傳上谷至遼東地踔遠索隱云踔

音卓一音勅教反亦遠騰兒也又借卓字史記霍去

病傳遠行殊遠漢書作卓顏注卓亦遠意文選吳都

賦故其經畧上當星紀拓土畫疆卓犖兼并五臣云

卓犖高絕出羣也孔融薦禰衡表英才卓犖李善云

卓躒絕異也張邈字孟卓一日蹇也者方言自關

而西秦晉之間凡蹇者或謂之遠注云行略遠也方

言又云遄蹇也齊楚晉曰遄廣雅遄蹇也廣韻遠畧

遠行貌或通作踔莊子秋水篇吾以一足跣踔而行

玉篇蹠踔跛者行也一切經音義踔跛者行蹠踔也

楚詞七諫馬蹇踣而日加又楚玉篇蹇蹇也

避也從走于聲憶俱切

避也者書盤庚迂乃心傳云迂僻本書僻避也避回也馥案謂迂回也孫子軍爭篇後人發先人至此知迂直之計者也管子君臣篇民迂則流之大流則迂之注云迂曲不行則通之使行流蕩不返則屈之使止也

自進極也從走聿聲子僂切

自進極也者埤蒼建至也

高平之野人所登從走各录闕愚素切

夏官遘師掌四方之地名辨其丘陵墳衍遘隰之名物之可封邑者 經典借原字本書每下引左傳原田每每書帝典曰疇若予上下草木鳥獸馬注上謂原下謂隰禹貢過九江至於敷淺原詩公劉度其隰原徹田為糧信南山酌之原隰曾孫田之大宰三農生九穀鄭注三農原隰及平地月令善相丘陵阪險

原隰土地所宜五穀所殖以教道民春秋昭元年晉
荀吳帥師敗狄于太原公羊傳曰原者何上平曰原
下平曰隰楚屈平字原漢置五原郡

高平之野者小爾雅廣器高平謂之太原禹貢既修
太原傳云高平曰太原又東原底平傳云東原致功
高平尚書大傳東遼底平大而高平謂之大遼詩皇
者華于彼原隰傳云高平曰原地官司徒注云高
平曰原春秋說題辭高平曰太原原端也平而有度

王逸楚詞注高平曰原史記正義原平高地也李善

西京賦注引爾雅高平曰原今爾雅地釋作廣平曰原

釋名廣平曰原原元也如原元氣廣大也詩綿周原膺

箋云廣平曰原公劉于胥斯原箋云廣平曰原皇矣

度其鮮原箋云乃始謀居善原廣平之地夏官叙官

叙官遼師注云廣平曰原桓元年左傳凡平原出水

為大水注云廣平曰原襄二十五年傳町原防注云

廣平曰原周禮猶其有原隰衍沃也韋云廣平曰原

行
高平尚書大傳東遼底平大而高平謂之大遼詩皇者華于彼原隰傳云高平曰原地官司徒注云高平曰原春秋說題辭高平曰太原原端也平而有度

家語致思篇放牛馬曰原於藪注云廣平曰原秦策此
皆平原四達高注廣平曰原野也呂氏春秋正月紀
阪險原隰三月紀周視原野注並云廣平曰原吳都
賦原隰殊品五臣云廣平曰原閻若璩曰廣平曰原
釋地文也尚書孔傳云高平曰太原今以為郡名其
實吾郡隘于東西皆山不可云廣祇覺高而平孔傳
語確又曰今固原州舊高平鎮後魏孝明帝正光五
年置原州蓋取高平曰原為平 人所登者登當為

人所登者為
後是張本也
不可作食

食釋地可食者曰原郭云可種穀給食書洛誥我乃
卜澗水東瀍水西惟洛食鄭注皆可長久居民使服
田相食國語原隰沃衍衣食於是乎生襄十四年左
傳我先君有不腆之田與女剖分而食之檀弓我死
則擇不食之地而葬我焉注云不食謂不懇耕魏志
文帝紀故吾營此丘墟不食之地蓋鐵論因河山以
為防故曰沙石鹹鹵不食之地天官生三世農九穀注云三
農原農隰農平地農也禮記外傳注原隰是稷之神

言文解字義卷六
原隰宜種百穀春秋說題辭高而平者為原平而和者故宜粟荀子注引說苑蠓螺者宜禾楊慎曰蠓螺之背微高原田之形似之陳啟源曰原隰阪皆可食而原隰尤利人先王疆理所獨詳也故周禮夏官之屬設原師以辨其名而詩人詠之尤多然爾雅有兩原隰其一可食其一不可食並見於詩異實而同名不可不辨也詩有蕪言原隰者曰於彼原隰曰原隰哀矣曰昫昫原隰曰原隰既平曰度其隰原有度獨言

原者曰眷令在原曰至於太原曰瞻彼中原曰中原有菽曰周原膺膺曰度其鮮原曰于胥斯原曰復降在原曰瞻彼溥原今以爾雅兩原隰合而論之曾孫之所田名伯之所平公劉之所度其為可食之原隰無疑從是畚耒者徐鍇本作從是文田畝

三百

所行道也從是從晉一達謂之道

徒結切

所行道也者詩北風携首同行載馳亦各有行傳並云行道也東門之栗傳云行上粟也釋文云行道也

左傳云斬行栗蝦竦女子有行箋云行道也婦人生而有適人之道竹竿女子有行箋云行道也女子有道黍離行邁靡靡箋云行道也薛君韓詩章句岐有夷之行行道也吳語道將不行韋云道術也老子大道甚夷而人好徑孫子始計篇法者曲制官道主用也注云道者糧路也漢書董仲舒傳道者所由適于治之路也 一達謂之道者釋宮文彼作道路御覽引本書有路字釋名一達曰道路道蹈也路露也言

人所踐蹈而露見也

𡵓

古文道從晉寸

從晉寸者本書導導引也从寸道聲馥謂對即導寸部導後人加之經典導引亦作道隱五年左傳請君釋憾于宋敝邑為道是也

𡵓

傳也 一曰窘也從彳虞聲其倨切

傳也者釋言文本書傳遽也夏官大僕建路鼓于大寢之門外以待達窮者與遽令鄭司農云遽傳也若

今時驛馬軍書當急聞者亦繫此鼓秋官行夫掌邦國傳遽之小事注云傳遽若今時乘傳騎馱而使者也玉藻士曰傳遽之臣注云傳遽以車馬給死者也詩江漢箋云克勝則使傳遽告功於王釋文云以車日傳以馬曰遽僖三十三年左傳且使遽告於鄭注云遽傳車昭二年傳弗及乘車遽而至注云遽傳驛哀二十一年傳羣臣將傳遽以告寡君晉語遽人來告吳語邊遽乃至注云遽傳也管子大匡篇三十里

置遽委馬有司職之注云遽今之郵驛也列子說符篇使遽人來謁之韓非喻老篇遽傳不用故曰却走馬以糞楚詞九章駭遽以離心史記秦本紀代王乘傳詣長安漢書司馬相如傳馳四乘之傳通鑑李克用牒河東令具頓遽注云置郵驛為遽一日窘也者本書息多遽息也勿所以趣民故遽稱勿勿李善注羽獵賦引本書同一切經音義云廣雅遽畏懼也疾急也經文有作遽者書史所無郭璞注爾雅釋

言中陵懷也作此字襄三十一年左傳豈不遽止杜
云遽畏懼也檀弓故喪事雖遽不陵節韓非子齊景
游少海傳騎從來謁韓詩外傳齊景公出田十有七
日而返晏子乘而往比至衣冠不正景公見而怪之
曰夫子何遽乎得無有急于漢書嚴助傳事薄遽顏
注遽速也後漢書劉寬傳雖在倉卒未嘗疾言遽色
或作劇漢魏春秋劉備謂宋忠曰卿諸人作事如此
不早相語今禍至告我不亦太劇乎

𧾷

獸迹也從走亢聲

胡朗切

獸迹也者本書叙見鳥獸蹏迹之迹釋獸兔其跡迹
釋文云迹諸詮之云兔道也阮孝緒云獸迹也方言
迹迹也字林迹兔道也太元居次四見豕在堂狗繫
之迹東京賦軌塵掩迹薛綜注迹迹也或借亢字廣
雅迹迹也釋名鹿兔之道曰亢行不由正亢陌山谷
草野而過也


𧾷

迹或從足從更

至也從辵弔聲都歷切


至也者釋詁又彼作弔經典借弔字書康誥惟弔茲
不于我政人得罪傳訓弔為至大誥弗弔傳言周道
不至盤庚非廢厥謀弔由靈傳云弔至也多士弗弔
昊天降喪于殷傳云稱天以愍下言愍道至者殷道
不至故昊天降喪于殷釋文云弔音的費誓無敢
不弔鄭注弔至詩天保神之弔矣傳云弔至釋文云
弔都歷反節南山不弔昊天傳云弔至瞻卬不弔不

祥箋云弔至也昭二十六年左傳率羣不弔之人注
云弔至也哀十六年傳昊天不弔松杜云弔至也文
心彫龍弔者至也詩云神之弔也言神至也賓之慰
主亦以至弔為言也

 行垂崖也從辵垂聲布賢切

行垂崖也者本書崖高邊也檀弓齊哀不以邊坐

文一百一十八 重三十

 小步也象人脛三屬相連也凡彳屬皆從彳丑亦切

小步也者魏都賦澤馬兮阜李善引本書同五臣本
誤作于張衡舞賦兮兮中輒 象人脰者五經文字
作象人脰形 三屬相連也者漢書音義如淳曰上
身一髀禪一脰微一凡三屬

陟

升也錢君站曰史記項羽本從兮惠聲

多則切

升也者錢君站曰史記項羽本紀吾為君德漢書作
公得得之為言登也公羊傳登來讀曰得來登有升
義德亦從之又陟升也周禮太卜三曰咸陟鄭注陟

之言得讀若王德狄人之德又升與登通故喪服注
布八十縷為升當作登古升登陟得德五字義皆同
陟讀為德者古聲同今為類隔音是矣

徑

步道也從彳至聲

居正切

步道也者廣雅徑道也一切經音義引通俗文邪道
曰徑步道曰徑釋名徑經也言人所經由也易說卦
為徑路鄭注田間之道曰徑路月令審端徑述注云
步道曰徑祭義是故道而不徑注云徑步邪趨疾也

老子大道甚夷而民好德徑論語行不由徑鄭注步
道曰徑周禮遂人遂上有徑注云徑容牛馬徐鍇曰
小道不容車故曰步道秦公曰欲為車之徑以窺三
川謂徑大特容車也

復

往來也從彳夂聲

房六切

往來也者一切經音義云說文復往來也謂往來也
復重也士相見禮主人復見之注云復見之者禮尚
往來也

復

復也從彳柔聲

人九切

復也者本書內獸足蹂地也蹂當為徠書史多借蹂
字通俗文踐穀曰蹂蒼頡篇蹂踐也熟躡也史記羽
本紀餘騎相蹂踐楊雄傳蹂蕙圃踐蘭唐文選西都
都賦蹂躪其十二三李善云字林曰蹂踐也字又作
輶漢書李陵傳深輶戎馬之地又或作稌集韻輶輶
禾也

徑

徑行也從彳呈聲

丑郢切

徑行也者魯左人郢字行借郢字

往之也從彳圭聲

于兩切

之也者釋詁文方言適往也易求而往明也虞翻曰之外稱往詩碩鼠誰之永號箋云之往也

止古文從走

古文走作彳不從止

隹行兒從彳隹聲

其俱切

本書趨走顧兒躍行兒

往有所加也從彳皮聲

補委切

往有所加也者加當為如春秋公如棠東方朔七諫忽容其安之兮超荒忽其馬如劉伶酒德頌縱意所如是也釋名往睢也歸睢於彼也故其言之叩頭以指遠也本書此止也馥謂止則不往矣

循也從彳敦聲

古堯切

循也者顏注急就篇游徼鄉之游行徼循漢書武五子傳督道一人別主徼循察往來者百官公卿表有

秩嗇夫游徼游徼循禁備盜賊也又云中尉秦官掌
徼循京師如淳曰所謂游徼徼循禁備盜賊也食貨
志新秦中或千里無亭徼臣瓚曰既無亭侯又不徼
循後漢書減宮傳少為縣亭長游徼注每鄉有游徼
掌循禁姦盜也循或作巡荀子富國篇其侯徼支繚
注云徼循也漢書景十三王傳常夜從走平行徼邯
鄲中顏注徼謂巡察也後漢書董卓傳常徼守塞下
注云說文曰徼循也前書曰仲穎巡徼京師音義曰
所謂游徼備盜賊班固傳徼道綺錯注云徼道徼巡
之道徼或借邀字晉中興書元帝謀出奔禁衛甚嚴
有頃邀者散帝得脫

循

行順也從彳盾聲詳遵切

行順也者當為順行廣雅循率述也昭七年左傳循
牆而走文十一年左傳國人弗徇服本循作云循謂順
也

徼

急行也從彳及聲居立切

急行也者一切經音義引作汲汲急行也又引廣雅
汲汲遽也又云今皆從水作汲案文子上德篇君
子曰汲以成輝漢書楊雄傳不汲于富貴

而此

行兒從彳澀聲一曰此與馭同蘇合切

行兒者廣韻澀衆行兒一曰此與馭同者本書馭
馬行相及也琴賦紛澀喜以流漫李善注澀不及也

而此

隱行也從彳微聲春秋傳曰白公其徒微之無非切

隱行也者一切經音義云字林微隱行也字體從彳

微

微妙之微從人釋詁隱微也郭云微謂逃藏也本書

微司也馥謂隱而司之所謂微察也襄十九年左傳

崔杼微逆光服注微隱匿也晉語設微薄而觀之孔

晁云微蔽也漢書成帝本紀上始為微行出入張宴

曰白衣組憤車騎出入市里不復警蹕若微賤之所

為故曰微行馥案微行即隱行非若微賤也春秋

傳曰白公其徒微之注云微匿也

是從、行兒從彳是聲爾雅曰從則也是則支切

初有者哀十七年左傳文
據云白公恣山而歸火結微

言文解字義卷六
從、行兒者方言從行也朝鮮洌水之間或曰從注云從、行兒方言又云自關而西秦晉之間凡細而有容謂之嬰或曰從注云言從偕也馥案廣韻非偕行惡也集韻行衙衙謂之從字又作從荀子修身篇難進曰從爾雅曰從則也者釋言又彼作是郭云是事可法則

徐

安行也從余聲

似魚切

趙策入而徐趨至而自謝曰老臣病足疾不能疾走

爾雅濟東曰徐州李巡曰淮海間其氣寬舒稟性安徐故曰徐、舒也莊子應帝王其卧徐、釋文云徐、安穩兒

安行也者易困卦來徐、馬云安行兒國策安步以當車詩北風其虛其邪箋云邪讀如徐釋文云爾足作徐釋訓其虛其徐威儀容止也郭云雍容都雅之兒襄七:left傳衛孫文子來聘公登亦登叔孫穆子曰諸侯之會寡君未嘗後衛君今吾子不後寡君寡

君未知其所過吾子其少安杜云安徐也

夷人行平易也從彳夷聲以脂切

行平易也者廣雅徕之行也老子大道甚徕范應元

注徕古本如此說文云徕行平易也經典借夷字釋

詰夷易也詩岐有夷之行書堯典厥民夷傳云夷平

也太元孔道夷如蹊路漢書地理志有右扶風郁夷

莽曰郁平

諤使也從彳諤聲普丁切

使也者使本書倂使也類篇引作俠也廣雅倂俠也

本書粵俠也三輔謂輕財者為粵或借莽字詩莽云

不逮傳云莽使也又莫予莽蜂爾雅作粵莽集韻徕

徕使也粵徕皆徕之省文 諤聲者本書無諤字

𠄎使也從彳𠄎聲讀若蝨敷容切

使也者使亦當為俠 讀若蝨者蝨當為蝨

𠄎迹也從彳𠄎聲慈衍切

迹也者本書銜迹也論語不踐迹孔注踐循也言善

人不但循追舊迹而已

𠄎

附行也從彳菊聲

蒲浪切

附行也者本書無附字廣韻傍附賈子保傳篇成王之生仁者養之孝者強之四聖傍之當為傍也官牛人凡會同軍旅行役共其兵車之牛與其牽傍以載公任器鄭注牽傍在轅外輓牛也人御之居其前曰牽居其旁曰傍秋官罪隸牛助為牽傍注云在前曰牽在旁曰傍字或作傍賈子保傳篇成王之生仁者

官部有附字但不作附解身而逐部近附也以此附口也皆作附車部轉反推車字有所付也則作付釋詁鄭注付也者官大祝付使祥直借付為付附也附之于廟也左傳傳于許則作傳今人誤者作附蓋

杜撰不可沒

仁者養之孝者強之四望傍之

𠄎

待也從彳奚聲

胡計切

待也者釋詁文書益稷惟動丕應後志傳云後待也湯誓後予後傳云待我君來五子之歌後于洛之泃傳云待太康本書所哀後有所佚藏也通俗文邪道曰後廣雅蹊道也太元孔道夷如蹊路詩絲篇行道允矣傳云允成蹊也正義云說文云蹊徑也宣十一年左傳曰牽牛以蹊人之田則蹊者先無行道初為

徑路之名兌是成蹊之兌馥謂正義所引是本書原
有徑也一義今闕

蹊 後或從足

待 俟也從彳寺聲徒在切

易繫辭君子藏器于身待時而動 儒有席上之珍
以待聘 論語我待價者也 隱元年左傳子姑待

之

俟也者釋詁俟待也

袖 行袖袖也從彳由聲徒歷切

行袖：也者法言先知篇為國不袖其法而望其效
譬諸算乎注云袖蹈也經典作迪廣雅迪蹈也釋詁
迪進也詩桑柔弗求弗迪傳云迪進也又借軸字詩
碩人之軸傳云軸進也釋文正義並讀軸為迪又借
遂字易頤卦其欲逐逐蘇林音迪由逐聲近笛亦作
遂

徧 巾也從彳扁聲比薦切

巾也 訓 弓 也

書舜典徧于羣神 詩天保徧為爾德又北門室人
 交徧適我 王肅說用禮行人云所以撫邦國諸侯
 者歲徧存三歲徧視五歲徧省 曲禮徧祭之 曾
 子問五日而徧過 昭十三年左傳乃徧以璧見於
 羣望帀也者本書帀帀徧也廣雅帀徧也易益卦徧
 辭也釋文云孟作徧云周帀也顧炎武曰鄉飲酒禮
 鄉射禮其於旅酬皆言辯注云辯衆賓之下者此辯
 非辨察之辨古字辯與徧通經文言辯者非一燕禮

注今文辯皆作徧是也曲禮主人延客食載然後辯
 散內則子師辯告諸婦諸母名宰徧告諸男名五藻
 先飯辯嘗羞飲而俟樂記其治辯者其禮具注辯徧
 也左傳定八年子言辯舍爵于季氏之廟而出注辯
 猶徧也史記禮書瑞應辯出

徧

至也從彳段聲 古雅切

至也者本書假一曰至也引書假于上下方言假至
 也邠唐真充之間曰假易豐卦豐亨王假之王云大

而亨者王之所至正義云假至也萃卦王假有廟王
云假至也家人王假有家王云假至也詩長發昭假
遲釋文云王肅訓假為至烈祖駿假無言釋文云
假鄭音格至也泮水昭假烈祖雲漢昭假無言傳並
云假至也烝民昭假于下噫嘻既昭假爾箋並云假
至也祭統公假于太廟注云假至也孔子間居引詩
昭假遲注云格至也禮器龜龍假釋文云假音格
至也又借格字釋詁格至也書堯典格于上下傳云

格至也又不格姦史記作不至姦舜典歸格于藝祖
史記作歸至于祖禰廟後漢書章帝紀假于祖禰注
云假至也書益稷格則承之庸之又祖考來格鄭注
謂祖考之神來至也君奭天壽平格鄭注格謂至於
天也說命格于皇天呂刑庶有格命多方惟帝降格
于夏金縢其有能格知天命傳並訓為至又維先格
王漢書孔光傳作假詩抑神之假思傳云假至也士
冠禮孝友時格月令暴風來格注並云格至也

復

復

復也一日行遲也從彳從日從又他內切

老子功成名遂身退 僖二十五年左傳退一舍而

原降 表記君子三揖而進一辭而退 離騷退將

復修吾初服 漢書董仲舒傳臨淵羨魚不如退而

結網臨政願治不如退而更化

卻也者廣雅卻退也秦策戰慄而却高云却退也劉

向九歎却騏驥以轉運兮王退也云却一日行遲也者

方言遲緩也

納 復或從內 右在古文之 奇

納

古文從走

古文彳不從止

復

遲也從彳从又者後也胡口切

論語非敢後也馬不進也 老子知人之不可先也

故後之

又者後也者本書又行遲曳又义

復

古文後從走

古文彳不從止

𤝵久也從彳屮聲讀若遲杜兮切

久也者久當為久本書變𤝵倝也倝當作倝委壽碑倝徠衡門廣雅倝𤝵往來也

𤝵不聽從也一日行難也一日𤝵也從彳𤝵聲胡慈切

本書倝很也良很也鄭注易良卦良之言很也

文十八年左傳傲很明德以亂天常俗作很後漢

書張衡傳倝很不柔又借作很酒誥厥心疾很曲禮很毋求勝

不聽從也者華嚴經音義同韓詩違很也吳語王將

很天而伐齊注云很違也周書史記解很而無親者

亾昔者縣宗之君很而無聽荊州圖記武當縣江中

有很子潭世傳很子不從父命一日行難也者本

書擊下云牛很不從引也一日𤝵也者廣雅很𤝵

也本書很戾也釋言閱恨也孫炎本作很云相很戾

詩兄弟閱于牆傳云閱很也周語兄弟讒閱韋云閱

很襄二十五年左傳太子痤美而很伏注很戾不從

教

循之隴切相迹也從彳重聲

相迹也者一切經音義引本書踵相迹也今踵下闕此義

得多則切行有所得也從彳尋聲

行有所得也者得當尋為本書見部尋取也得尋聲相近孟子求則得之本書高宗夢得說使百工曼求得之傳巖

貝古文省彳

一切經音義云衛宏詔定古文官書得尋二字同體馥案本書得尋義別疑此古文後人加之

可去奇切舉胫有渡也從彳奇聲

舉胫有渡也者爾雅說文作舉脚有度類篇引作舉足玉篇倚舉足以渡也五經文字作度廣雅倚步橋也釋宮石杠謂之倚郭云聚石水中以為步渡約也孟子曰歲十一月徒杠成或曰今之石橋俗作碕淮

南本經訓積牒旋石以純脩碕高云修碕曲中水所
當處也

徇

行示也從彳勻聲司馬法曰斬以徇詞閏切

三蒼徇徧也釋言徇徧也釋文云徇本又作徇樊

本作徇僖二十八年左傳司馬殺之以徇於諸侯

又云殺顛頡以徇于師成二年傳韓獻子將斬人

卻獻子馳將救之至則既斬之矣卻子使速以徇

襄十年傳帶其斷以徇于軍三日昭元年傳荀吳

之嬖人不肖即卒斬以徇吳語斬有罪者以徇

秦策大王斬臣以徇

行示也者一切經音義云尚書王乃徇師而誓孔安

國曰徇徧也徇亦巡行也行走宣令曰徇說文行示

曰徇桓十三年左傳莫敖使徇于師杜云徇宣令也

史記司馬穰苴傳於是遂斬莊賈以徇三軍正義云

徇行示也漢書陳勝傳車裂留以徇劉屈氂傳載屈

氂厨車以徇要斬東市顏注並云徇行示也後漢書

言文解字集言卷六
伏湛傳徇首城郭以示百姓 司馬法斬以徇者漢
書高帝紀二世使使斬之以徇顏注引司馬法同又
云言使人將行徧示衆士以為戒博物志司馬法周
公所作史記太史公自序自古王者而有司馬法穰
苴能申明之司馬穰苴傳齊威王使大夫追論古者
司馬兵法而附穰苴於其中因號曰司馬穰苴兵法
漢書藝文志司馬法百五十五篇湯武受命以師克
亂而濟百姓動之以仁義行之以禮讓司馬法是其

遺事也

律

均布也從彳聿聲

呂戎切

春秋元命包律之為言率也所以率氣令達也注云
率猶導也 周禮太師掌六律六同以合陰陽之聲
陽聲黃鍾太簇姑洗蕤賓夷則無射陰聲大呂應鍾
南呂函鍾小呂夾鍾 大戴禮曾子天圓篇聖人慎
守日月之數以察星辰之行以序四時之順逆謂之
歷截十二管以宗八音之上下清濁謂之律也律居

言文解字集註 卷六
陰而治陽歷居陽而治陰律歷迭相治也其間不容
髮 漢書律歷志五聲之本生於黃鍾之律九寸為
宮或損或益以定商角徵羽九六相生陰陽之應也
律十有陽六為律陰六為呂律以統氣類物一曰黃
鍾二月太族三曰姑洗四曰蕤賓五曰夷則六曰
亡射呂以聚陽宣氣一曰林鍾二曰南呂三曰應鍾
四曰大呂五曰夾鍾六曰中呂天之中數五為聲
聲上宮五聲莫大焉地之中數六為律有有形有

有色上黃五色莫盛焉故陽氣施種於黃泉孳萌
萬物為六氣元也以黃色名元氣律者著宮聲也宮
以九唱六變動不居周流六虛始於子在十一月大
呂呂旅也言陰大旅助黃鍾宣氣而牙物也位於丑
在十二月太簇奏也言陽大奏地而奉達物也位
於寅在正月夾鍾言陰氣夾助太族宣四方之氣而
出種物也位於卯在二月姑洗洗絜也言陽氣洗物
辜絜之也位於辰在三月中呂言微陰始起未成著

言文解字彙言卷六
於其中旅助姑洗宣氣齊物也位於巳在四月蕤賓
蕤繼也賓導也言陽始導陰氣使繼養物也位于午
在五月林鍾林君也言陰氣受任助蕤賓君主種物
使長大椒盛也位於未在六月夷則之法也言陽氣
正法度而使陰氣夷當傷之物也位於申在七月南
呂南任也言陰氣旅助夷則任成萬物也位於酉在
八月亡射之厭也言陽氣究物而使陰氣畢剝落之
終而復始亡厭已也位於戌在九月應鍾言陰氣應

射該藏萬物而雜陽闇種也位於亥在十月

均布也者案義當是均也布也樂記樂所以立均尹
文子大道篇以律均清濁鶡冠子五聲不同均周語
律所以立均出度也紀之以三平之以六成於十二
天之道也周禮大司樂掌成均之法先鄭云均調也
樂師主調其音後漢律歷志冬至陳八音聽五均
注云均長七尺繫以絲以節樂音思元賦考治亂於
律均兮舊法律十二律均所均聲也李善曰樂汁圖

言文解字集註卷六
徵曰聖人往承天助以立五均者六律調五聲之均也宋均曰均長八尺施絃以調六律五聲文六年有傳為之律度杜云鍾律度量所以治厯明時正義云周語云先王之制鍾也律度量衡於是乎生大小器用於是乎出又曰古之神瞽考中聲而量之以制度律均鍾百官執儀其意言度律之聲以為鍾之均於鍾律取法為度量衡也釋器律謂之分郭云律管可以分氣禮運五聲六律十二管還相為宮也注云

五聲宮商角徵羽其管陽曰律陽陰曰呂布在十二辰舜典律和聲傳云律謂六律六呂述十二月之音氣正義云既以出音又以候氣布十二律於十二月之位氣至則律應是六律六呂述十二月之陰氣也

御

使馬也從彳從卸牛據切

世本韓哀侯作御 呂氏春秋勿躬篇寒衰作御馥謂哀誤為哀

使馬也者一切經音義云馭今作御駕馭也謂指麾使

言文解字義疏卷六
馬也廣雅御使也書甘誓御非其馬之正傳云御以
正馬為政

𠂔

古文御從又從馬

書若朽索之馭六馬 夏官馭夫掌貳馭車

𠂔

步止也從反彳讀若畜

丑玉切

步止也者文選射雉賦彳于中輟徐爰注彳于止貌
也魏都賦澤馬于阜赭白馬賦秀騏齊于趙宦光曰
彳于方音讀剔禿猶躅躅之方音獨讀笛獨類也

文三十七

重七

彳

長行也從彳引之凡又之屬皆從又

余忍切

從彳引之者詩召旻傳云引長也

廷

朝中也從又壬聲

特丁切

論語其在宗廟朝廷 魯語有隼集于陳侯之廷

說苑申包胥立哭於秦廷 或借庭字書廸簡在王

庭 易揚于王庭

朝中也者本書皇下云呈朝廷也後漢書郭太傳毋欲

使給事縣廷注云蒼頡篇曰廷直也說文廷朝中也
風俗通曰廷正也言縣廷郡廷朝廷皆取平均正直
也

廷行也從又正聲

諸盈切

本書延正行也

律居萬切立朝律也從聿從又

易比卦先王以建萬國親諸侯

立朝律也者廣雅建立也書洪範建用皇極傳云凡

立事當用大中之道盤庚懋建大命鄭注勉立我大
命周官建官惟百天官冢宰惟王建國注云建立也
秦策然後可建大功高云建立釋詁律法也釋名律
累也累人心使不得放肆也易師出以律桓二年左
官於是乎畏懼而不敢犯紀律管子七臣七主篇律
者所以定分止爭也漢書刑法志蕭何摭摭秦法取
其宜於時者作律九章

文四

忍能對面為
盜賊

延 安步延也從又從止凡延之屬皆從又丑連切

安步延也者本書道從延云相顧視而行也襄十四年左傳晉人謂之遷延之役注云遷延却退也文選西京賦遷邪視李善云遷延引身也

延 長行也從延ノ聲以然切

長行也者本書挺从延云長也釋詁延長也方言延延長也廣雅同成十三年左傳君亦悔禍之延杜云延長也離騷延佇乎吾將反注云延長也詩葛之覃

兮傳云覃延也又實覃實訏傳云覃長也ノ聲者

當從厂余制切拙也象拙引之形隸作厂非從ノ也ノ於小切右度也於延聲義并遠

文二

延 人之步趨也從彳從廴凡行之屬皆從行戶庚切

人之步趨也者釋宮堂上謂之行堂下謂之步門外謂之趨釋名兩脚進曰行行抗也抗足而前也賈誼書行以微磬之容臂不搖掉肩不下上身以不側從

彳

然而任行容也

邑中道也從行木聲倉聿切

景福殿賦欲返忘術 左思詩冠蓋陰四術 蜀都

賦亦有甲第當衢向術 宋書顧覲之傳霧集貴寵

之間雲動權豪之術 南齊書張敬兒傳魚相忘於

江湖人相忘於道術

邑中道也者蒼頡篇邑中道曰術廣雅術道也一切

經音義云字林邑中道曰術道術者通也又言達解

者無所不通也初學記術道路別名急就篇涇水注

謂街術曲顧注邑中之道曰術呂氏春秋子產相鄭

桃李垂於術又正月紀審端徑術注云端正其徑路

漢書武五子傳橫術何廣今固知國中之無人瓚

曰術道路也刑法志園囿術路如淳曰術大道也後

漢書馮衍傳列杜衡於外術注云術路也素術傳術

字公路少見讖書言代漢者當塗高自云名字應之

注云術自以術及路皆是塗故云應之魏都賦永巷

言文解字彙編卷六
壺術注云術道也

往 四通道也從行圭聲

古朕切

漢宮殿疏長安有八街九市 漢官典職洛陽二十

四街 洛陽記有街郵亭 漢舊儀衛官填街騎士

塞路 漢有都鄉正街彈碑周禮疏云漢時在街置

室檢彈一里之民

四通道也者三蒼街交道也風俗通街者嚮也離也

四出^之路嚮離而別顏注急就篇云四達之道曰街廣

如外撰

廣雅街道也文選西京賦街衢相經五臣注街大道

也洛陽記宮門及城中大道皆分作三此三道四通

五達也顧炎武曰史記貨殖傳洛陽街居在齊秦楚

趙之中說文街四通道蓋鐵論燕之涿薊趙之邯鄲

魏之溫軹韓之滎陽齊之臨淄楚之宛丘鄭之陽翟

周之三川皆為天下名都居王諸侯之衢跨街衝之

路

四達謂之衢從行瞿聲

其俱切

四達謂之衢者釋宮文云交道四出釋名四達曰衢
齊魯謂四齒杷為權杷地則有四處此道似之也
易大畜何天之衢焉云四達謂之衢宣十二年公羊
傳放乎路衢何云四達謂之衢傳又云至於孟衢何
云孟氏衢四達可以橫去孫子九變篇衢地合交注
云四通之地大戴禮子張問入官篇六馬之離必於
四面之衢盧辯注衢四達道馥案或曰五達劉氏新
論激通篇平原五達易行之衢也或曰九交楚詞天

問靡萍九衢注云九交道曰衢

衢

通道也從行童聲春秋傳曰及衢以戈擊之

昌客切

通道也者漢書史借衢之漢書酈食其傳夫陳留天
下之衢四通五達之郊也春秋傳曰及衢以戈擊
之者昭元年左傳文彼作衝注云衝交道十八年傳
子產及衝

衢

通街也從行同聲

徒弄切

通街也者三蒼街里中別道也南齊書蕭鸞弒其君

言文解字彙編卷六
昭於西弄注弄巷也南方曰弄北方曰衙衙

迹也從行戈聲

迹也者本書後迹也玉篇衙蹈也

𠄎

行兒行吾聲

魚舉切
又音牙

行兒者廣韻引作衙、行貌楚詞九辨導飛廉之衙
衙洪注衙、行貌南部新書近代通謂府庭為公衙
即古之公朝也字本作牙詩日祈父予王之爪牙祈
父司馬掌武備象獸以爪牙為衙故軍前大旗謂之

牙旗出師而有建牙馮牙之事軍中聽號令必至牙
旗之下與府朝無異近俗尚武是以通呼公府門為
牙門字訛變轉為衙門

𠄎

行喜兒從行干聲

空旱切

行喜兒者釋詁衙樂也詩嘉賓式燕以衙傳云衙樂
也曹植娛賓賦遂衙賓而嘉會馥案宋公子衙字樂
父鄭公子喜宋樂喜並字子罕借罕字

𠄎

行且賣也從行從言

黃絢切

行且賣也者本書賣街也廣雅街賣也廣韻街自謀
又賁下云賁賣地官胥師察其詐偽飾行價賤者鄭
司農云謂行賣姦偽惡物者內則奔則為妾注云奔
或為街楚詞九思欲街驚兮莫取注云行賣曰街漢
書東方朔傳四方多士上書言得失自街驚顏注街
行賣也後漢書龐參傳街賣什物馥謂以上賣字並
當作賣

街或從玄

文選求自試表夫自街自媒者士女之醜行也李善
引越絕書街女不貞街士不信

將衛也從行率聲所律切

漢朱龜碑不衛天常 或借率字續漢書百官表衛
率主宮門衛士率更令掌宮殿門戶之禁後漢百官
志太子衛率一人晉令左右衛率品第五舊規中領
護晉公卿禮秩晉建置衛率令一人秦始分置左右
率一人領兵各五千人宋書百官志率更令主宮殿

言文解字彙編卷六
門戶通鑑石虎誅太子四率以下三百人注云東宮
有左右前後四率

將衛也者集韻引作將衛文字集畧衛將衛也行也
謂將領行也

衛宿衛也從韋巾從行行列衛也于歲切

書康王之誥一二臣衛傳云為蕃衛故曰臣衛 僖
二十四年左傳秦伯送衛于晉三千人杜云新有呂
卻之難國未輯睦故以兵衛文公諸門戶僕隸之事

初布子

說文

皆秦率共之為之紀綱 天官宮伯掌王宮之士庶
授八次八舍之職事注云庶子宿衛之官衛王宮者
必居四角四中於微侯便也 內宰分其人民以居
之注云人民吏子弟分之使衆者就寡均宿衛 小
宰國有故則令宿先注云令宿宿衛王宮 秋官修
閭氏掌比國中宿五檁者鄭司農云宿謂宿衛也
趙策願備青衣衛王宮 漢書百官公卿表衛尉掌
宮門衛屯兵屬官有公車司馬衛士旅賁之令丞顏

注漢舊儀云衛尉寺在宮內胡廣云主宮闕之門內
衛士於周垣不為區廬區廬者若今之仗宿屋矣漢
官儀云公車司馬掌殿司馬門夜徼宮中 漢舊儀
夜漏起宮中宮城門備五百官直符行衛士周廬擊
木柝謹呼備火 漢儀衛士甲乙徼相傳甲夜畢傳
乙夜相傳盡五更衛士傳言五更未明三刻後雞鳴
衛士踵丞郎趨嚴上臺不畜宮中雞汝南出雞鳴衛
士候朱雀門外專傳雞鳴於宮中 漢官篇衛尉掌

宮闕周廬殿掖屯陳夾道當兵交戟胡廣注曰宮闕
之內周廬殿掖各陳屯交兵士以示威武交戟以遮
妄出入者又云衛尉主宮闕之內衛士於垣下為廬
各有員部凡居宮中者皆施籍於門案其姓名復有
符、用木長二寸以當所屬官兩字為鐵印當出入
者案籍畢復齒符乃引內之從昏至晨分部行夜夜
有行者輒前曰誰誰若此不懈終歲更始所以重慎
宿衛也 漢名臣奏丞相薛宣曰奏漢興以來深考

古義推萬變之備於是制宣室出入之儀正輕重之
罰故司馬殿省闕至五六里周衛擊刁斗 三輔黃
圖漢未央長樂甘泉宮四面皆有司馬門凡言司馬
者宮垣之內兵衛所在司馬主武事故謂宮之外門
為司馬門 西京賦衛尉八屯警巡晝

宿衛夜者荊州星占軒轅旁側郎位主宿衛東觀漢
記詔曰爾虎賁將軍位在中臣宿衛禁門又云五校
尉主禁兵武備宿衛兩宮董巴中官傳黃門非尚書

者冗居宿衛直守戶華嶠後漢書執金吾掌侍從領
宿衛續漢志凡郎官皆主更直執戟宿衛殿門又云
虎賁中郎將宿衛侍從又云五校尉各一人掌宿衛
兵又云太子舍人更直宿衛陶氏職官要錄屯騎越
騎步兵長水射聲五校尉晉承漢置以為宿衛傳暢
晉讚晉文王置強弩將軍掌宿衛後漢文帝紀詔遷
天下勇武之士十五萬人為羽林虎賁以充宿衛馥
案又有畿衛周禮大司馬九畿之籍采畿之外方五

知外候

有也

知外候

百里曰衛畿是也又有營衛是也五帝紀黃帝始制營衛晉語侯遮扞衛不行韋云扞衛謂羅闈狗附張羅闈去壘五十步而陳周軍之前後左右彊弩註矢以誰何謂之羅闈又二十人為曹輩去壘三百步畜犬其中或視前後或視左右謂之狗附皆昏而設明而罷是也從巾者巾周也故宿衛之室曰周廬史記秦本紀衛令曰周廬設卒甚謹三輔黃圖漢有長水中壘屯騎虎賁越騎步兵射聲胡騎八營宿衛王

宮司馬遷報任安書出入周衛之中李善云言宿衛周密也漢名臣奏宮殿省闈至五六里周衛刁斗柏梁詩周衛交戟禁不時從行：列衛也者文元年左傳且掌環列之尹注云宮衛之官列兵而環王宮摯虞決疑要注晏與會威儀不同晏則宿衛列仗

文十二 重一

𠂔

口斷骨也象口齒之形止聲凡齒之屬皆從齒

昌里切

口斷骨也者言斷所生骨也急就篇鼻口唇舌斷牙

齒顏注齒者總謂口中之骨主齧齧者也物理論大齒者藏府之斧鑿所以調諧五味以安性氣者也



古文齒字



齒本也從齒斤聲

語斤切

齒本也者一切經音義引作齒肉也玉篇斷齒根肉顏注急就篇斷齒根肉也蒼頡篇斷根也論語夫子哂之皇氏義疏齒本曰哂大笑則哂見故謂哂為笑者也曲禮笑不至矧注云齒本曰矧大笑則見



毀齒也男八月生齒八歲而女七月生齒七歲而

齧從齒從七


初莖切

毀齒也者本書毀缺也謂缺齒也釋名毀齒曰齧齧洗也毀齒故齒更生新也廣雅毀齒謂之齧鄭語府之童妾未既齧而遭之韋云毀齒曰齧史記宋世家一曰凶短折集解云鄭元曰未齧曰凶索隱云未齧未毀齒也男八月生齒云云者左傳正義引作男八月齒生八歲而齧女七月齒生七歲而齧一切經

音義云毀齒曰齠說文男八月生齒八歲而為之齠
女七月生齒七歲而毀齒秋官小司寇自生齒以上
登于天府注云人生齒而體備男八月而生齒女七
月而生齒又司厲未齠者不為奴注云齠毀齒也男
八歲女七歲而毀齒素問女子七歲腎氣盛齒更髮
長丈夫八歲腎氣實髮長齒更列子湯問篇有遺男
始齠注云韓詩外傳云男女七歲毀齒謂之齠大戴
禮本命篇男以八月而生齒八歲而毀齒一陰一陽

然後成道二八十六然後通情然後其施行女子七
月生齒七歲而毀齒二七十四然後其化成韓詩外
傳陰陽相反陰以陽變陽以陰變故八月生齒八歲
而齠齒十六而精化小通女七月生齒七歲而齠齒
十四而精化小通素準喪服傳女七歲男八歲而墮
齒此墮齒之大例劉昭幼童傳張元年八歲齠齒或
或獻之曰君口為何復開狗竇從七者當為七聲
與牝牡字同一切經音義引本書從齒匕聲徐鍇本

亦作匕聲

 齧相值也一日齧也從齒責聲春秋傳皙齧士革切

張太素齊書武成王生齧牙遍召諸醫尚藥典御鄧宣文以實對帝怒而罪之

齒相值也者齒宜相錯今相值失其常矣 一日齧

也五音集韻引作靜也履所未詳 春秋傳曰皙齧

者定九年左傳文彼作憤杜云憤齒上下相值正義

云說文云齧齒相值也言齒長而白上下之齒相當

也


 齒相斷也一日開口見齒之兒從齒柴省聲讀若

柴仕街切

齒相斷也者斷廣韻類篇並引作齧 一日開口見

齒之兒者集韻齧齧齒露兒廣韻齧齒不正也

柴省聲者當為此聲

 齒相切也從齒介聲胡介切

考工記函人為甲衣之欲其無齧也鄭司農云齧謂

亦作匕聲

亦作匕聲

如齒斷

齒相切也者本書契斷契刮也類篇齒齶切齒埠蒼齶

大相唯拒也三蒼齶鳴齒也方言齶怒也小怒曰齶

注云言齶齶也玉篇齶切齒怒也通鑑高歡數彭樂

罪舉刃將下者三齶齶良久魏策天下游士莫不日

夜搯腕瞋目切齒以言從之便史記荊軻傳此臣之

日夜切齒腐心也索隱云切齒之相磨切也



口張齒見齒只聲研蘭切

知有片

知乙

口張齒見者登徒子好色賦齶脣歷齒 只聲者與

牝從乙同聲



齒差也從齒兼聲五斷切

本書頷齶兒

齒差也者即齶義



齒擗也一日齶也一日馬中糜也從齒芻聲側鳩切

王延壽王孫賦口噉呷以齶齶

齒擗也者擗當為協荀子王霸篇齶然上下相信注

云齟齬相逆也褚少南補滑稽傳建章宮後閣重櫟
中有物出焉其狀似麋莫能知東方朔曰所謂騶牙
者也遠方當來歸義而騶牙先見其齒前後若一齊
等無牙故謂之騶牙索曰以有九牙齊等故謂之騶
牙猶騶騎然也 一曰齟也者廣雅齟齬也管子輕
重戊篇車轂齟齬騎連伍而行注齟齬也言其車轂往
來相齧 一曰馬口中糜也者李燾本玉篇類篇集
韻五音集韻並作糜淮南汜論訓是猶無鎔銜檠策
策鍛而御馭馬也司馬相如上書猶時有銜檠之變
張揖曰檠馭馬口長銜也李善引莊子伯樂曰我善
調馬前有飾檠而後鞭策之威

齟

齟不正也從齒馬聲五婁切

荀子君道篇有弛易齟差者矣

齒不正也者一切經音義云說文齟齒不正謂高下
不齊平也玉篇齟齒不齊也洪武正韻齟齒相侷也
馥案考工記察其齒蚤不齟鄭注齒蚤不相侷是也

齧

齧齒也從齒盧聲側加切

齧齒也者本書鉤鉏鉏也齧齧義同廣韻齧齒不齊
兒玉篇齧齧斷齒不平或省作齧漢書東方朔傳齧
者齒不正也

齧側加切

齧也者集韻齧下云齧齧齒不正

齧楚宜切

齒參差者參差當作參差孔帖盧肇海潮賦忽劃礫

而齧齧齒露不齊狀

齧昨何切齒差跌兒從齒佐聲春秋傳曰鄭有子齧

篇海作齧集韻馬齒長也

齒差跌兒者跌當為朕本書朕差也讀與朕同廣韻

齧齧齧跌出字統 春秋傳曰鄭有子齧者昭十六

年左傳夏四月鄭六卿餞宣子於郊子齧賦野有蔓

草杜云子齧子皮之子嬰齊也釋文云齧說文作齧

佐聲者本書無佐字

𪗇

缺齒也一日曲齒從齒委聲讀若權

巨員切

淮南道應訓若士者齧然而笑 玉篇齧胡夾切

齒一日曲齒又齧渠圓切說文云缺齒也一日曲齒本書

齧曲角也與齧意同玉篇初譌作齧宋人重修又取

本書齧字加之遂增一從夾之字廣韻集韻皆沿其

誤

𪗈

無齒也從齒軍聲

魚吻切

無齒也者六書故引作老無齒也韓詩外傳太公年

七十二輝然而齒墮矣荀子君道篇鬮然而齒墮矣

玉篇輝鬮同

𪗉

缺齒也從齒獻聲

五鎔切

缺齒也者宋書王元謨傳顏師伯缺齒號之日齧馥

案玉篇齧露齒非缺齒當作齧

𪗊

斷腫也從齒巨聲

區主切

斷腫也者集韻斷不固曰齧

𪗋

老人齒從齒兒聲

五雞切

老人齒者爾雅疏引作老人兒齒也詩閟宮黃髮兒齒箋云兒齒亦壽徵南都賦兒齒眉壽鮒背之叟釋詁齧齒壽也郭云齧齒、墮更生細者釋名齧大齒落盡更生細者如小兒齒也

𪗇 齧也從齒奇聲

魚綺切

齧也者齧上脫側字一切經音義云蒼頡篇人謂齧咋為齧、齧也許慎云側齧也漢書田儉傳則齧齧首用事者墳墓矣如淳曰齧側齧也史記索隱云齧

側齒齧也

𪗇 齧也從齒出聲

仕乙切

齧齒也者當為齧齧廣雅齧齧也廣韻齧齧聲

𪗇 齧也從齒昔聲

側革切

齧也者廣雅同李善注風賦引本同字林咀齧也漢書鄧通傳上使太子齧灑顏注齧齧也

𪗇 齧或從乍

或從乍者一切經音義云齧古文齧同通俗文齧啖

曰齧馥荼俗作咋漢書東方朔傳孤豚之咋虎顏注
咋啣也英雄記曹操自咋其舌流血以失言誠後世

 齧也從齒咸聲 工咸切

齧也者廣韻齧齧咋貌集韻齧口持不齧

 齧也從齒見聲 康很切

齧也者廣雅同本書狠齧也

 齧見兒從齒干聲 五版切

齒見兒者集韻類篇引作一齒見兒廣韻作齧云露

齒

 齧也從齒辛聲 昨沒切

齧齧也者廣韻齧齧也

 齒分骨聲從齒列聲讀若刺 盧達切

 齧骨也從齒交聲 五巧切

齧骨也者李善注七命引本書同御覽引字林齧齧

啞也漢書食貨志罷夫羸老易子而齧其骨顏注齧

齧也

𪔐

齒差也從齒屑聲讀若切千結切

讀若切者釋器骨謂之切釋文云本或作齧同

𪔑

齒堅聲從齒吉聲赫鎔切

齒堅聲者玉篇引作齧堅聲

𪔒

齧牙也從齒豈聲五來切

齧牙也者集韻牙謂之齧

𪔓

吐而噍也從齒台聲爾雅曰牛曰齧丑之切

玉篇作囓云牛噍也一切經音義云經作齧三蒼

作齧詩傳作囓集韻音式之反

爾雅曰牛曰齧者釋獸文郭云食之已久復出嚼之

馥案公孫龍子羊有齒牛無齒

𪔔

齧也從齒气聲戶骨切

齧也者廣雅同淮南修務訓齧咋足以嚼肌碎骨高

注齧齧也漢書音義如淳曰齧齧也莊子駢拇篇枝

於手者齧之則啼釋文云齧齒斷也

𪔕

齒見兒從齒聯聲力延切

𪗇

噬也從齒切聲五結切

釋名獸曰齧齧齧也所臨則禿齧也

噬也者易噬嗑注云噬齧也哀十二年左傳國狗之

瘕無不噬也注云噬齧也

𪗈

齒傷酢也從齒所聲讀若楚創舉切

讀若楚者玉篇斷與齧同御覽引字林齧齒傷酢也

曾茶山和曾宏父餉柑詩莫向君家楚素口瓠犀微

齧遠山顰晉中興書烈宗起清暑殿識者曰清暑反

楚也為殿以酸楚之聲為號非吉祥也

𪗉

老人齒如白也一曰馬八歲齒白也從齒從白

亦聲其久切

老人齒如白也者陶隱居云特生礬石中央有白形

狀如齒者佳一曰馬八歲齒白也者玉篇一曰馬

八歲曰齧也集韻馬八歲謂之駒通作齧齊民要術

馬七歲齒兩邊黃各缺區平受米八歲上下盡區如

一受麥九歲下中央兩齒白受米十歲下中央四齒

言文解字義疏卷六
齒十一歲下中央六齒盡白至十五歲上中央兩齒
白十六歲上中央四齒白十七歲上中央六齒皆白
白亦聲者當為白聲



齒不相值也從齒吾聲魚舉切

齒不相值也者御覽引字林同廣韻齟齬不相當也

集韻齟齬一前一切



羊糞也從齒世聲私列切

羊糞也者玉篇羊唯草釋獸羊曰齧郭云今江東呼

齧為齧釋文齧作齧云郭音泄息列反一音曳埤蒼

云羊糞也張揖音世解云羊食已吐而更嚼之馥紫

本書無糞字餼下引詩峙乃餼糞釋言糞糧也烏亢

鳥隴其糞嗉郭云嗉者受食之處今江東呼糞論語

在陳絕糧釋文云鄭本作糞音張糧也



鹿麋糞從齒益聲伊昔切

麋鹿糞者釋獸麋鹿曰齧郭云江東名咽為齧者

齧食之所在依名云埤蒼齧鹿糞集韻齧麋鹿受食

處

𪔐

齒堅也從齒至聲陟栗切

齒堅也者當為齧堅玉篇齧齧堅兒廣韻齧齧堅聲
別作嚙云齧堅易履卦履虎尾不咥人亨正義云猶
若履虎尾不見咥齧于人釋文云咥齧也馬云齧馥
案九家云雖踐虎不見咥噬也咥即齧集韻咥或作

齧

𪔑

齧骨聲從齒從骨亦聲戶八切

骨亦聲者當為骨聲

𪔒

噍聲從齒昏聲古活切

𪔓

噍堅也從齒博省聲補莫切

噍堅也者本書噍噍兒 博省聲者當如噍下作專
聲

文四十四 重二

𪔔

牡齒也象上下相錯之形凡牙之屬皆從牙五加切

牡齒也者九經字樣鄭樵通志並作壯輔廣詩童子

問壯志謂齒之大者沈彤曰中央齒形奇左右齒形
偶奇則壯偶則牝而說文玉篇並以牙謂牡齒恐傳
寫之譌戴侗曰齒當唇牙當車詩誰謂鼠無牙又云
相鼠有齒是鼠有齒無牙呂氏春秋曰淫辭篇問馬
齒圍人曰齒十二與牙三十注云馬上下齒十二牙
上下十八合為三十象上下相錯之形者錯當為
道詩周設業設虞崇牙樹羽正義云枸之上刻為崇
牙似鋸齒捷業然故謂之牙業即業之上齒也馥案本

書業下云象其鉏鋸相承也鉏鋸即相錯

𪔐

古文牙

𪔑

虎牙也從牙從奇亦聲

去奇切

虎牙也者小字本徐鍇本及其韻譜作武六書故亦
引作武鼉說之曰唐人諱虎改之王涯仙掌辨銳而
出者為虎牙或借奇字楚詞鑿輔奇牙宜笑嗎奇
亦聲者當為奇聲


𪔒

齒蠹也從牙禹聲


區禹切

齒齲也者釋名齲朽也齲齲之齒缺朽也馥案禹蟲也故文從禹淮南說林訓斲木愈齲本草蜀羊泉療齲齒蟲皆畏之故也易通卦驗人手陽明脈虛多病寒熱齲齲注云齲齲者陽生齲於時為害也史記倉公傳齊中大夫病齲齒易林三耳六齒痛疾不已齲病齲缺墮落其宅華嶠後書漢梁冀妻能作齲齒笑續漢書桓帝元嘉中京師婦女作齲齒笑者齒病也後漢書梁冀傳冀妻孫壽善為齲齒笑者注云風俗通曰齒痛不斲

齲齒笑者若齒痛不斲始自冀家所為京師翕然皆倣效之

 齲或從齒

文三 重二

 人之足也在下從止口凡足之屬皆從足脚玉

人之足也者本書癸承壬象人足易說卦震為足論語啟予足玉藻足容重 在下者玉篇篇海並引作在體下釋名足續也言續脰也 從止口者五經文

字從口下止本書止下基也故以止為足

蹠足也從足虎聲杜兮切

漢書貨殖傳牧馬二百蹠經典作蹄易說卦為薄蹄士喪禮其實特豚四鬣去蹄昭八年穀梁傳馬侯蹄足也者廣雅同釋名蹄底也足底也

踵足踵也從足聲古痕切

足踵也者踵當為踵聲類踵足跟也釋名足後曰跟在下旁着地一體任之象木根也急就篇躡跟踵

跟

相近聚顏注足後曰跟亦謂之踵後漢書張衡傳階焦原而跟止注云跟足踵也

跟跟或從止

跟足跟也從足果聲胡瓦切

本書颯擊跟也說苑天子文繡衣各一襲到地諸侯覆跗大夫到跟易林跟腫足傷英雄記向詡坐板牀有兩跟處入板中三寸許晉書孫拯傳考掠兩跟骨見陸機別傳收承父子五人考掠備加

踝骨皆脫

足踝也者廣韻踝足骨也顏注意就篇踝足之內外
踝也深衣負繩及踝以應直注云踝跟也釋名踝確
也居足兩旁確然也

跖

足下也從足石聲之石切

足下也者呂氏春秋用象篇齊王之食雞也必食其
跖數千而後足注云跖雞足踵跖讀如据撫之撫玉
篇蹠與跖同南方異物志烏澣人以人掌蹠為珍重

楚國先賢傳太守許荆足中風使胡紹抑之紹視荆
蹠下而笑荆怒問之紹曰見明府蹠下黑子紹亦有
之故忻而笑漢書賈誼傳病非徒瘡也又苦蹠齧顏
注蹠古蹠字音之石反足下曰蹠今所呼脚掌是也
言足蹠反戾不可行也

踦

一足也從足奇聲去奇切

公羊傳匹馬隻輪無反者何注隻踦也穀梁傳作倚
輪漢書段會宗傳亦足以復雁門之踦應劭曰踦

言文解字義疏卷六
二百一
隻也隻不偶也 典論張奉與人飲酒將罷亂其履
為使小大差踣無不傾倒僵仆踣跌手足

一足也者玉篇冠下云一足曰冠也今為踣詩東山
釋文云韋昭吕忱云踣一足意也方言踣倚也自關
而西秦晉之間凡全物而體不具謂之倚梁楚之間
謂之踣雍梁之西郊凡吾支體不具者謂之踣馥紫
集韻踣立倚也淮南齊俗訓男女切踣高云踣足也
管子侈靡篇其獄一踣腓一踣屨而當死賈誼書楚

昭王敗走而屨決背而行失之復旋取屨左右問曰
王何曾借一踣屨乎

跪

拜也從足危聲

去委切

拜也者字林同釋言啟跪也郭注小跪襄八
年左傳不遑啟處杜云啟跪也方言東齊海岱北燕之郊跪
謂之張蹶注云今東境人亦呼長跽為張蹶廣雅張
蹶跪拜也釋名跪危也兩膝隱地體危倪也聲類
跪也定四年左傳秦哀公為之賦無衣九頓首而坐

馥案坐即跪也莊子跪坐以進之賈誼書跪以微磬
之容掄右而下進左而起身有抑揚各尊其紀跪容
也

跪

長跪也從足忌聲

渠几切

長跪也者本書真長踞也踞玉篇作跪或作跪釋名
跪忌也見所敬忌不敢自安也一切經音義云今江
南謂屈膝立為踞越中國人言胡跪史記范雎傳秦
王跪而請索隱云跪者長跪兩膝被地

躡

行平易也從足叔聲詩曰躡周道

子六切

行平易也者一切經音義引字林躡平易也無行字

躡

詩曰躡周道者小雅小弁文傳云躡平易也

行兒從足瞿聲

其俱切

行兒者篇海引作无行兒本書躡行兒玉篇引楚詞
右蒼龍之躡

踏

長脰行也從足昔聲一曰踏躡

讀昔切

長脰行也者釋訓踏敏也郭云便速敏捷也釋名

踏藉也以足藉也曲禮毋踏席釋文云踏躡也一
曰踧踏者字林踧踏不進也廣雅踧踏畏敬也論語
踧踏如也鄭注踧踏恭敬貌詩行葦授几有緝御傳
云緝御踧踏之容也後漢書東平王蒼傳踧蹟無所
措置注云踧踏謙讓貌魏未傳司馬宣王答曹爽書
初不知乏糧甚懷踧踏或借錯字易離卦初九履錯
然敬之无咎王云錯然者警慎之貌也踧或借蹇字
莊子人間世子產蹇然改容孟子曾西蹇然趙注蹇

然猶蹇踏

踧

疏行兒從足禹聲詩曰獨行踧區主切

疏行兒者列子力命篇汝奚往而反僞而步有深
媿之色邪注云僞本或作踧字林云疏行貌孟子行
何為踧涼趙注有威儀無所施之貌也詩曰
獨行踧者唐風杕杜文傳云踧無所親也

踧

行兒從足將聲詩曰管磬蹇七羊切

行兒者廣雅蹇走也廣韻踧蹇行不正徐錯引西

京雜記漢宣帝歌黃鵠飛兮下建章羽肅兮分行
躔或借鏘字左思吳都賦被練鏘劉淵林注行步
貌詩曰管磬躔者周頌執競文彼作將將傳云
將集也釋文云說文作躔行兒馥案三蒼躔敬也
容止貌也

躔

躔處也從足斷省聲徒管切

踐處也者楚詞九思鹿蹊兮躔洪傳引本書作禽
獸所踐處也案本書躔下云禽獸所踐處也躔躔聲

義並相近

趣

趣越兒從足卜聲芳遇切

趣越兒也者本書赴趨也

踰

踰也從足俞聲羊朱切

按易謙卦謙尊而光卑而不可踰哀十五
年左傳以禮防民猶或踰之坊記大為之坊民猶踰之
越也者字林踰越也詩長發率履不越箋云不得踰
越襄三十一年左傳門不容車而不可踰越成十三

年左傳踰越險阻雜記不踰封而弔注云踰封或為越疆魏策越山踰河

蹠

輕也從足成聲

王伐切

輕也者輕當作蹠徐鍇本作輕足誤分為二本書蹠讀若春秋傳蹠而乘它車是足部有輕字明矣昭二十六年左傳苑子荆林雍斷其足蹠而乘於他車以歸杜云蹠一足行傳作蹠借字也本書娥輕也亦當為蹠

躄

舉足行高也從足喬聲詩曰小子躄

居勺切

漢晉春秋諸葛亮曰功不可躄足而待矣 文選七啟躄捷飛李善注云廣雅躄行也今為躄古字無定也馥案七啟當作躄廣雅當作躄

舉足行高也者晉書音義引作舉足小高也漢書高帝紀止可躄足而待也晉灼曰許慎云躄舉足小高也三蒼解詁躄舉足也本書躄舉足也莊躄呂氏春秋稱之曰企足俗與翹通類篇翹企也 詩曰小子

言文解字義說卷六
躄者大雅板文傳云躄者驕兒馥案釋訓躄者
也郭云小人得志憍蹇之貌

𨇗

疾也長也從足攸聲

式竹切

疾也者廣雅同馥案𨇗率俗作倏忽莊子作儵忽或
借逐字易頤卦其欲逐之薛云速也長也者易釋
文云逐劉作𨇗云遠也馥謂遠亦長意

𨇘

動也從足倉聲

七羊切

動也者廣韻引詩巧趨蹌兮書鳥獸蹌傳相率而

舞蹌然疏云禮云士蹌是行動貌故為舞也

𨇙

跳也從足角聲

余隴切

跳也者廣雅同詩擊鼓踊躍用兵僖二十八年左傳
距躍三百曲踊三百邵實曰躍踊者皆絕地而起所
謂跳也馥案百音陌三陌踊躍之度哀八年左傳私
屬徒七百人三踊於幕庭杜云於帳前設格令士試
躍之

𨇚

登也從足齊聲商書曰告予顛躋

祖雞切

言文解字彙言卷六
登也者釋詁躋登陞也方言躋登也東齊海岱之間
謂之躋詩長發聖敬日躋蕙葭道阻且躋斯于君子
攸躋傳並云躋升也春秋文二年大事于太廟躋僖
公公羊傳躋者何陞也樂記地氣上齊注云齊讀為
躋升也楚詞紛翼之兮上躋王注氣盛振迅升天衢
也漢書韋彪傳爵位不躋注云躋升也經典借躋字
書顧命由阼階躋傳云用阼階升詩蝮蝮朝躋于西
傳云躋升士虞禮記來日躋祔爾于爾皇祖某甫注

云躋升 商書告子顛躋者微子篇文彼作躋傳云
躋陞馬融王肅義同本書引弗其耆長我興受其遐
並稱其周書

躋

迅也從足翟聲

切灼

迅也者本書趨踊也廣雅奮迅也釋訓躍之迅也釋
蟲蚤醜奮也郭注好奮迅楚詞九章羌迅高而難當
詩旱麓魚躍于淵箋云魚跳躍于淵中秦策引詩躍
之躋兔高云躍之跳足也夏侯湛獵兔賦擢輕足之

說文解字義疏卷六
躡也振游形之躍

𨇖

躡也一日卑也秦也從足全聲莊緣切

躡也者本書躡躡也一切經音義引作躡也躡鞠即

躡鞠 一日卑也者廣雅躡莊匍匐也廣韻躡躡伏

類篇躡屈伏也魯靈光殿賦狡兔躡伏於柎側 秦

也者本書躡躡獸足也躡躡音義同

躡

躡也從足就聲七宿切

躡也者一切經音義云說文躡躡也以足逆躡之曰

知小法
有躡

躡孟子躡爾而與之趙注躡躡也史記燕世家王躡

之以足漢書楊雄傳帥軍躡陸顏注足後漢書梁冀

傳六博躡鞠本書鞠下云躡鞠俗作躡曲禮以足躡

路馬芻有誅又借躡字後漢書陳蕃傳黃門從宮駟

躡躡著

躡

躡也從足聶聲尼輒切

躡也者廣雅躡履也聲躡躡也

躡

躡也從足夸聲苦化切

說文解字義疏

卷六

二百八

言文解字彙編卷六
渡也者廣雅同本書越度也干跨步也一切經音義
引字林跨躡也釋名躡懾也登其上使懾也昭十三
左傳康王跨之杜注跨過其上

躡

踐也從足冃聲徒盍切

踐也者釋名躡榻也榻着地也廣雅躡履也俗作躡
漢書霍去病傳去病尚穿域躡鞠也霍光傳霍氏奴
入御史府欲躡大夫門俗又作踰魏畧長安市僧為
為市吏所辱乃踰其尺折之俗又作踏樂府布歌行

躡

蹈也從足步聲旁各切又音步

躡

踐也從足冃聲徒到切

踐也者釋言蹈道也以足踐之如道路也廣雅蹈履
也華嚴經音義蹈躡也詩序不知手之舞之足之蹈
之釋文云蹈動足履地也

躡

踐也從足塵聲直連切

踐也者釋獸麋其跡躡郭云脚所踐處方言躡歷行
也日運為躡月運為遂郭注躡猶踐也天官書日月

所會次日躔度

踐

履也從足彘聲

慈行切

履也者廣雅同釋名賤踐也卑下見踐履也字書躡踐也詩行葦牛羊勿踐履生民履帝武敏傳云履踐也文元年左傳踐修舊好杜元踐猶履行也士相見禮不足以踐禮注云踐行也曲禮修身踐言文王世子踐阼而治並云踐履也

踵

追也從足重聲一日往來兒

之隴切

彳部踵相迹也元應令
踵踵為一耳非此有闕文

一切經音義云說文踵相迹也亦追也往來之兒也

馥案相迹義今闕徐鍇韻踵迹也本書踵相迹也昭

二十四年左傳吳踵楚杜云躡楚踵迹離騷及前王

之踵武漢書刑法志踵秦而置材官于郡國又借踵

字廣雅踵迹也

追也者文選藉田賦躡踵側肩李善云說文曰踵追

也躡其踵所以為追逐也 一日往來兒者莊子德

充符踵見仲尼注云踵頻也孟子踵門而告文公趙

言文解正集言 卷六
注踵至也馥謂頻至門也或作踵素問陰陽離合論
陰陽踵踵傳為一周注踵言氣之往來也又作踵
易咸四文憧々往來

踵

踵也從足卓聲知教切

躡也者廣韻踔猿跳後漢書馬融傳踔躡枝注云踔
跳也或作踔一切經音義云踔跳也郭璞曰踔謂懸
躡也張融海賦鯤龍踔而不逮

躡

躡也從足帶聲當蓋切

躡也者玉篇躡牛蹄當為躡

躡

躡也從足敝聲一日跛也蒲結切

躡也者集韻蹙反足躡也 一日跛也者集韻引作
跛案莊子馬蹄篇蹙躡為仁躡跛為義魯語躡跛畢
行無有處人注云躡跛躡蹙也

躡

躡也從足是聲特計切

本書蹙躡也 聲類躡躡也 玉篇躡躡也莊子云
馬怒則分背相躡 韓非說林伯樂教二人相躡馬

相與之簡子廐觀馬一人舉蹠馬其一人從後而循
之三撫其尻而馬不蹠此自以為失相其一人曰子
非失相也此其為馬也踠肩而腫膝夫蹠也者舉後
而任前腫膝不可任也故後不舉 漢書武帝紀故
馬或奔蹠而致千里顏注蹠躅也 晉書武帝紀牛
馬有蹠齧者恐傷人不貨於市 晉書載記慕容儁
傳馬悲鳴蹠齧 崔鴻前燕錄慕容廆有駿馬旣欲
乘之馬悲鳴蹠啣人莫能近 唐書劉建鋒傳馬蹠

傷張
信左髀

孔帖歸登家僮為馬所蹠答折馬足 通
鑑柳公綽所乘馬蹠殺圍人

衛也者衛當為衛聲切

衛也者衛當為衛本書衛牛蹠蹠也

蹠蹠足也從足執聲徒叶切

蹠足也者蹠當為繫昭二十年穀梁傳輒者何也曰
兩足不能相過齊謂之綦楚謂之跣衛謂之輒釋文
云輒音近繫左傳作繫劉兆云綦連併也跣聚合不

說文馬部韋戎
作繫伴馬也此
伴自是韋韋文
自作伴

解也繫如見繫絆也

𨀉

封也從足氏聲

承旨切

封也者廣韻𨀉封也謂立也

𨀉

住足也從足適省聲或曰躡躡賈侍中說足垢也

直隼切

住足也者住當為封 或曰躡躡者廣雅躡躡踣踣

也字或作躡一切經音義引字躡躡踣足不進也別

賦知離夢之躡躡李善云說文躡躡住足也韓詩愛

而不見搔首躡躡薛君曰躡躡躡也史記淮陰侯

傳騏驎之躡躡徐廣曰躡一作躡也後漢書隗囂傳

得以數千躡躡三轉注云躡躡猶躡躡也傳云鬪雞

賦或躡躡躡陸機招隱詩振衣聊躡躡婁元傳元

到廣州徘徊躡躡於仲翔宅故處荀子禮論篇過故

鄉則必徘徊馬鳴躡躡馬踣馬然後能去之也注

云躡躡以足擊地也

躡

躡躡也從足蜀聲

直隼切

言文解字卷六
蹠躅也者漢書班嗣與桓生書伏孔氏之軌躅音義
曰三輔說牛蹄處為躅

𨇗

觸也從足卒聲一曰駭也一曰蒼踣昨沒切

觸也者吳都賦衝踣而斷筋骨一曰駭也者廣韻踣

駭踣也 一曰蒼踣者本書趨蒼卒也方言集卒也江

江湘之間凡卒相見謂之集相見郭注謂倉卒也漢

書劉向傳期日迫卒

𨇗

僵也從足厥聲一曰跳也亦讀若檠居月切

僵也者方言跌蹶也注云偃地也江東言跣縗衣引

書毋越厥命以自覆也注云越之言蹶也言無自顛

蹶汝之政教以自毀敗昭二十三年左傳斷其後之

木而弗殊邾師過之乃推而蹶之荀子成相篇國乃

蹶注云蹶顛覆也富貴國篇夫是之謂國蹶注云蹶傾

倒也呂氏春秋慎小篇人之情不蹶於山而蹶於垤

注蹶躓顛頓也史記扁鵲傳若太子病所謂尸蹶者

也通鑑建成有馬肥壯而喜蹶以授世民世民乘馬

說文解字卷六

逐鹿馬蹶世民躍立於數步之外馬起復乘之一
 曰跳也者本書跳蹶也廣雅蹶蹶跳字統蹶踣跳踉
 貌一切經音義云埤蒼以為蹶起也禮記子夏蹶然
 而起也謂急疾之貌也漢書陸賈傳於是佗乃蹶然
 起坐顏注蹶然驚起之貌也亦讀若屨者徐鉉本
 作讀亦若屨

跳

蹶也從足兆聲一曰躍也徒遼切

蹶也者尚書大傳禹其跳其跳者踣也注云踣步足

不能相過也 一曰躍也者李善注洞蕭引本書同

晉書音義引字林同釋名跳條也如草木枝條務上

行也釋言窈閒也釋文云舍人本作跳云跳者躍之

閒列子湯問篇跳往助之注云跳躍也通鑑蒼梧王

與左右於臺岡賭跳注云賭跳者賭跳擲以高者為

勝也洞蕭賦跳然後出李善引本書同

跳

動也從足辰聲側鄰切

動也者跟別作振猶跛跛通也 辰聲者本書振從

動也者跟別作振猶跛跛通也 辰聲者本書振從

辰云女妊身動也史記律書辰者言萬物之娠也

躄 躄躄不前也從足屠聲直魚切

躄躄不前也者廣雅躄止也廣韻躄躄行難貌俗作
躄躄一切經音義躄躄住足躄躄也詩靜女搔首躄
躄禮三年問躄躄焉躄躄焉

躄 跳也從足弗聲敷問切

跳也者方言廣雅並同

躄 楚人謂跳躍曰躄從足庶聲之石切

楚人謂跳躍曰躄者本書趣躄也方言躄跳也楚曰

躄廣雅躄跳也淮南引伊尹曰興土功也修脚者使

躄躄強脊者使之負土史記蘇秦傳躄勁弩又云韓

卒超足而射索隱云超足謂超騰用勢蓋起足躄之

而射也故云躄勁弩是也漢書申屠嘉傳以材官躄

張如淳曰材官之多力能脚踏強弩張之故曰躄張

律有躄張士顏注今之弩以手張者曰擘張以足踏

者曰躄張

踮

踮也從足谷聲他合切

踮也者字書踮曰躡玉篇躡足跌也

踮

跳也從足岳聲余招切

跳也者廣雅同方言踮跳也陳鄭之間曰踮廣韻跳

踮行步貌

踮

進足有所擷取也從足及聲爾雅曰踮謂之擷蘇合切

進足有所擷取也者俗謂著履曰踮 爾雅曰踮謂

之擷者釋器扱衽謂之擷郭云扱衣上衽於帶本書

擷與襜同云以衣衽扱物謂之擷

踮

步行獵跋也從足貝聲博蓋切

步行獵跋也者集韻引作躡玉篇踮躡踐也案本書

無躡字廣韻踮賴踮行不正也

躡

躡也從足質聲詩曰載躡其尾陟利切

通俗文事不利曰躡 廣韻躡碍也頓也 列子說

符篇意之所屬著其行足躡株埒頭抵植木而不自

知也注云躡礙也 宣十五年在傳杜回躡而顛

燕策令妾酌藥酒而進之妾佯躡而覆之 易訟卦
有孚窒馬蹢為躡猶止也復案本書蹢引而止之也
躡也者本書李善注謝靈運詩引作跌也通鑑蘇峻
趨白木陂馬蹢注云蹢躡也士相見禮執王者則唯
舒武舉前曳蹢注云脩蹢躡也詩願言則嚏傳云嚏
躡也嚏釋文作蹢易林載蹢躡跌右足 詩曰載
蹢其尾者豳風狼跋文彼作蹢傳云蹢躡也馥案釋
言蹢躡也郭引詩載蹢其尾又云蹢仆也郭云頓蹢

倒仆

躡

躡也從足合聲

居怯切

躡也者中庸言前定則不躡注云躡躡也

蹢

蹢也從足世聲

丑例切

述也者述當為蹢玉篇蹢趨踰也廣韻蹢跳也踰也
與趨同漢書楊雄傳蹢蠻阮顏注蹢渡也

躡

躡也從足真聲

都年切

蹢

蹢也從足友聲

北末切

說文

解字

義

卷六

二

二

言文解字義登 卷六
躡跋也者釋言跋躡也李巡云跋前行曰躡或借拔
字詩蕩顛沛之揭箋云相近俱顛拔

躡

小步也從足魯詩曰不敢不躡資昔切

小步也者後漢書陳忠傳或有跼躡比伍注引本書
同陳書褚玠傳除殘去暴姦吏局躡 詩曰不敢不
躡者小雅正月文傳云躡累足也本書越下引詩不敢不越

跌

踢也從足失聲一曰越也徒結切

踢也者本書踳足跌也通俗文失躡曰跌集韻跌足

傷也漢書晁錯傳跌而不振服虔曰蹉跌不可復起
也揚雄傳不知一跌將赤吾之族也顏注跌足失厝
也後漢書邊讓傳修短靡跌注云跌蹉也 一曰越
也者莊二十五年公羊傳肆者何跌也何云跌過度
江淹恨賦跌宕文史李善引揚雄自叙雄為人跌宕
周禮景夕鄭司農云謂日跌景乃中馥紫跌言日過
中淮南修務訓夫墨子跌蹠而趨千里高注跌疾行
也後漢書張衡傳藐以迭過馥謂即跌踢

陽

跌踢也從足易聲一曰搶也徒郎切

跌踢也者聲類踢跌也蒼頡篇踢失迹也廣韻踢跌

頓伏貌一曰搶也者搶當為踰

踰

踰也從足尊聲祖尊切

踰也者本書居蹲也一切經音義云字林踰謂垂足

實坐也蹲猶虛坐也舊經言箕坐也廣雅蹲踰也僖

三十三年公羊傳子揖師而行何云介冑不拜為其

拜如蹲後漢書魯公傳蹲夷踰肆古文苑王孫賦踰

兔蹲而狗踞

踞

蹲也從足聲居御切

徐鍇本作屈本書居下或體與此文同

踞

踞也從足夬聲苦化切

踞也者一切經音義引字林同經典借跨字晉語不

跨其國韋注跨猶踞也俗典江南謂開膝坐為跔跨

山東謂之甲跌馥案婆娑論結跏趺坐是相負滿廣

韻跏趺大坐也類篇跏屈曲坐也跨大坐也集韻吳

初小頁

初

人云坐曰跨

躩

足躩如也從足夔聲

丘縛切

足躩如也者論語文包注盤辟貌也

踣

僵也從足音聲春秋傳曰晉人踣之

蒲北切

僵也者本書趨僵也玉篇危仆也秋官掌戮凡殺人者踣諸市鄭注云踣僵尸也又注易鼎卦云顛踣也莊子外物篇申徒狄因以踣河釋文云字林云踣僵也李云頓也釋言斃踣也郭云前覆襄十一年左傳

踣其國家杜云踣斃也魯語對踣於京韋云踣斃也

春秋傳曰晉人踣之者襄十四年左傳與晉踣之

注云踣僵也

跛

行不正也從足皮聲一曰足排之讀若彼

布火切

易履卦跛能履 宣十七年左傳卻子登婦人笑于

房杜云跛而登階故笑之 成元年穀梁傳衛孫良

夫跛

行不正也者字林同本書蹇蹇也蹇蹇行不正玉

言文解字義疏卷六
篇跛跚跛行貌增韻跛足偏廢也曲禮立毋跛注云
跛偏任也禮器有司跛倚以臨祭注云偏任為跛周
語立無跛正也韋云跛偏引也皮聲下徐鍇本有
讀罷三字

跛也從足寒省聲

九輩切

跛也者本書蹇行趨也方言蹇蹇也注云跛者行
蹇蹇也釋名偃蹇偃息而卧不執事也蹇跛蹇也病
不作事今託病似此而不宜執事役也字林蹇行不

正也易序卦蹇者難也通鑑魏帝曰吾聞築社之役
蹇蹇而築之蜀注云跛蹇而顛蹙也續晉陽秋習鑿
齒以足病廢於里巷樊鄧以其蹇疾裁堪半丁

蹇

足不正也從足扁聲一曰拖後足馬讀若羊或曰

徧部田切

足不正也者蹇或作躄集韻躄足趾不正也徐鍇曰
古賦說武舞云躄趾言足不正也一曰拖後足馬

者晉書石崇傳牛奔不遲良由馭者逐不及反制之
可聽編轅則駛矣案玉篇編躑躅也 讀若革者
革當為米

𨾏

脛肉也一曰曲脛也從足夨聲讀若達渠追切

一曰曲脛也者廣雅𨾏躑也玉篇躑足跌也廣韻𨾏
左脛曲也莊子齧草飲水翹尾而陸此馬之真性也
司馬彪曰陸跳也馥謂陸即𨾏曲一足錢君大昕曰
漢書賈誼傳病非徒瘡也又苦𨾏蓋顏注𨾏古蹠字

足下曰蹠今所呼脚掌是也案說文無𨾏字當是𨾏
字之譌說文𨾏脛肉一曰曲脛讀若達蓋亦當從說文
作𨾏弼戾也𨾏蓋謂足脛相反戾不便行動

𨾏

足跌也從足聲鳥過切

足跌也者一切經音義云通俗文足跌傷曰𨾏蒼頡
篇挫足為𨾏史記𨾏人亦不忘起是也廣雅𨾏折也
類篇𨾏折足也典論𨾏跌手足別作𨾏中論鷄鳥之
欺孺子也鷄鳥之性善近人飛不峻也不速也蹲然

似若將可獲也卒至乎不可獲是孺子之所以踴膝
跪足而不以弊也

跣

足親地也從足先聲

蘇興切

書說命若跣弗視地厥足用傷 禮記喪則徒跣

漢書文五行志被髮徒跣踐文帝紀給喪事服臨者皆無

踐晉灼曰漢語作跣徒跣也 王嘉傳被髮徒跣而

走 後漢書劉盆子傳時年十五被髮徒跣 莊子

列御寇篇列子提屨跣而走 淮南修務訓於是乃

羸糧跣走高云跣足不及著履也 會稽典錄賀劭

左右莫見其跣坐常著鞞希見其足 盧君文昭曰

宣二年左傳晉靈公飲趙盾酒伏甲將攻之其右提

彌明知之趨登曰臣侍君晏過三爵非禮也遂扶以

下服虔本作遂跣以下跣字是也襄三年傳晉悼公

懼魏降之死亦跣而出皆是急迫不及納履使然

足親地也者三蒼渡跣以脚踐土也集韻跣裸足行

也

跣

天寒足跣也從足句聲其俱切

天寒足跣也者玉篇跣天寒足跣寒凍手足跣不伸

也史記張儀傳跣跣科頭集解云偏舉舉一足曰跣

跣或借跣字周書晉平公使師曠見太子晉師曠跣

其足太子曰何舉足太師驟師曠曰夫寒足跣是以數也

諸書作跣聲類偏舉一足曰跣埤蒼跣跣不伸也

離騷僕夫悲余馬懷兮蜷局顧而不行寡婦賦馬悲

鳴而跣顧赭白馬賦跣鑣轡之牽掣李善引字林跣

引作天

跣跣行不申也淮南精神訓病疵痲者捧心抑腹膝
上叩頭跣跣而諦通夕不寐通鑑劉曜常乘赤馬無
故跣頰注云跣足跣曲不能伸也

跣

痲足也從足困聲苦本切

痲足也者當為足痲中論是孺子之所以跣膝跪足

而不以為痲也俗作跣漢書趙充國傳將軍士寒手

足跣痲書李甘傳凍膚跣痲馥案本書無跣字新附

有之跣跣一字也

引作天

引作天

距

雞距也從足巨聲

其巨切

雞距也者一切經音義引字作雞足踞也顏注漢書
 距雞附足骨鬪時所用刺之昭二十五年左傳季氏
 介其雞郈氏為之金距吳時外國傳扶南山范尋以
 鐵為鬪雞假距與諸將博錢韓詩外傳君獨不見夫
 雞乎音戴冠者文也足搏距省武也西京雜記交趾越
 嵩猷長鳴雞長距善鬪曹植鬪雞詩蒲落輕毛散嚴
 距往：傷劉楨鬪雞詩丹雞被華采雙距如鋒芒應

瑒門雞詩雙距解長縹飛踊超敵倫傳元門雞賦距
 不虛挂翻不徒坳習嘷長鳴雞賦違雙距之岌岌潘
 岳射雉賦忽交踞以接壤寰宇記循州有五踞碧雞
 龍魚河圖雞有四距者殺人

躡

舞履也從足麗聲

所綺切

舞履也者春官鞮鞻氏注云鞮讀如屨也鞮鞻四夷
 舞者所屣也今時倡蹋鼓杏行者自有屣或借屣字
 史記貨殖傳躡利屣徐廣曰屣舞屣也

說文

解字

卷六

一百一十六

說文解字集說 卷六
鞮或從革

從革者鞮鞻字亦徒革今雲南鹿皮作之即舞人之

蠻鞮

𨇖

足所履也從足段聲

乎加切

足所履也者本書鞮履也

𨇗

𨇗也從足非聲讀若匪

扶味切

𨇗也者釋言文彼作𨇗郭云斷足經典作𨇗書舜典五刑有服傳云五刑墨劓剕宮大辟釋文云剕刑足

也呂刑剕辟疑赦傳云剕足曰剕大傳作劓漢書刑法志引剕罰之屬亦作劓鄭駁異義臯陶改劓為剕呂刑有剕周改剕為劓

𨇘

斷足也從足月聲

魚厥切

昭三年左傳屨賤踊貴杜云踊刑足者 韓子曰衛國之法竊駕君車者罪踊彌子瑕聞母病矯駕君車君聞之曰孝哉為母之故犯踊罪 漢書刑法志中刑用刀鋸韋昭曰鋸刑也

初有錄

言文解字義證卷六
斷足也者一切經音義云刑古文跖跖二刑刑斷足也周改髡為刑廣雅刑危也謂斷足即危也秋官司刑掌五刑之法則罪五百注云刑斷足也周改髡作刑莊十六年左傳刑強鉏注云斷足曰刑文十八年傳乃掘而刑之注云斷其尸足管子侈靡篇今周公斷指滿稽斷首滿稽斷足滿稽而死民不服史記孝文本紀夫刑至斷支體刻肌膚終身不息何其楚痛而不德也

𠂔 𠂔 𠂔
跖或從兀

或從兀者莊子魯有兀者叔山無止踵見仲尼季氏曰刑足曰兀

𠂔 𠂔 𠂔
曲脰馬也從足方聲讀與彭同薄庚切

曲脰馬也者初學記引纂文跖曲脰馬也廣雅跖踳也

𠂔 𠂔 𠂔
馬行兒從足決省聲古穴切

馬行兒者史記張儀傳探前跖後蹄間三尋索隱云

謂馬足探向前後足缺於後跌謂後足扶地言馬之走勢疾也七尺曰尋言馬走之疾前後蹄間一擲而過三尋也後漢書班固傳要跌追蹤注引廣雅跌奔也

𨇖

獸足企也從足斤聲

五句切

獸足企也者企義未詳釋畜駉蹄𨇖善升羸淮南說林訓善用入者若𨇖之與足衆而不相害莊子釋文引許慎云足指約中斷傷為𨇖馥案說苑馬𨇖折而

復行者以輔足衆也

𨇗

道也從足各聲

洛故切

道也者釋名路露也人所踐蹈而露見也釋宮一達謂之道路郭云長道夏官合方氏掌達天下之道路月令三月開通道路無有障塞漢書董仲舒傳道者所由適於治之路也

𨇘

轆也從足彡聲

良忍切

轆也者本書𨇘轆田也後漢書班固傳蹂𨇘其十二

言文解字集言卷六
三注云躡轆也文選作躡李善云躡與躡同漢書王
商傳奔足相蹂躡又作躡廣雅躡轆也後漢杜篤傳
蹂躡瀝貌注云躡轆也史記司馬相如傳揜兔躡鹿
郭璞云躡車轆

躡

足多指也從足支聲

巨支切

足多指也者莊子駢拇篇故合者不為駢而枝者不
為趾

文八十五

徐鉉本
作六

重四

躡

躡躡也從足發聲

北末切

徐鉉本有玉篇躡行也

躡

本書躡讀若論語躡予之足玉篇躡倒也廣韻躡倒

躡也

躡

徑也

此字在彳部但少徑也之義

詩縣行道允矣傳云允成躡也正義云說文云躡徑
也宣十一年左傳曰牽牛以躡人之田則躡者先無

行道初為徑路之名兌是成蹊之貌通俗文邪道曰
後步道曰徑廣雅蹊道也太元孔道夷如蹊路

蹊 躡也

李善注長門賦引案張衡七盤舞賦歷七盤而履躡
屣當作蹊

跬

此乃以隸書為篆文
本書跬讀若跬同玉篇跬舉一足跬同上

輕足

本書輕讀若春秋傳輕而乘他車案昭二十六年左
傳作輕杜注輕一足行馥謂杜預本作輕故訓一足
行後轉寫變為輕玉篇一足行貌廣韻輕一足跳行
五經文字鑿金聲也又一足行貌一文二義是唐本
已脫輕字矣楊慎曰左傳輕而乘於他車以歸輕音
磬一足行也梅聖俞送寧鄉令張沆詩竹存帝女啼
變學林雍輕

足也從上象腓腸下從止弟子職曰問疋何止古

文以為詩大疋字亦為足字或曰胥字一曰疋記也

凡疋之屬皆從疋所道切

足也者本書旋下云疋足也新序今為濡足之故不

救溺人可乎韓詩外傳作濡雅馥紫足誤為疋變

為雅 上象腓腸者本書腓腸也 下從止者廣

雅疋止也本書古文正從疋者亦止也 弟子職

曰問疋何止者玉海云弟子職一篇管仲作在管子

雜篇第五十九 古文以為詩大疋字者篇海引作

古文詩以為大雅字爾雅釋文云雅字亦作疋拓拔

魏有侍中和疋通鑑注疋音五下翻雅烏南越記亦

作疋烏方言盍枯也郭注所謂伯胥者也典論作三

雅王觀國曰許慎說文雅楚烏也秦謂之雅則古人

初不以雅字為大雅小雅之字也古文雅用疋字為惟

大雅小雅之字故說文曰疋古文以大雅字及後世

變古文為隸古又變隸古為今文遂各用他音字或

說文解字新詁 卷六
俗字以易之而雅字遂專為大雅小雅之雅矣韻會
案會案古文大小雅爾雅字本作疋今文皆作雅而
疋字但音匹矣 或曰胥字者素君枚曰周禮大胥
小胥即詩之大雅小雅詩曰籩豆有且侯氏燕胥太
元曰不宴不雅燕胥猶宴雅也王君聘珍曰禮記胥
鼓南周禮大胥小胥皆雅也馥謂本書胥經傳皆作
精左傳蒲胥之市呂覽作蒲疏 一曰疋記也者本
書記疏也方言舊書雅記故俗語不失其方雅當為

疋



門戶疏窗也從疋 亦聲 𠃉象𠃉形 讀若疏

門戶疏窗也者疏當為𠃉 四本書櫳房室之疏也亦
當作𠃉 一切經音義云疏說文作𠃉 窗也𠃉從疋
疋足也從四象其形也門戶窗牖皆所以引通諸物
故從疋 取通行意也玉篇𠃉門戶青疏窗也史記
禮書疏房牀第几席所以養體也索隱云疏謂窓也
後漢書梁冀傳窗牖皆有綺疏青瑣注云牖小窗也

綺疏謂鏤為綺文魏志曹爽傳作窟室綺疏四周鄴
中記窗皆銅龍疏雲母幌易林千仞之墻不得入門
金籠鏤疏利以避兵文選西都賦文綺豁以疏寮李
注交結綺文豁然穿以為寮也蒼頡篇曰寮小窗也
古詩曰交疏結綺窗靈光殿賦天窗綺疏七命方疏
含秀蜀都賦列綺窗而瞰江五臣注綺窗彫畫若綺
也李尤東觀銘房闥內布綺疏外陳潘尼桑樹賦拂
綺窗之疏寮天台賦暎日炯光於綺疏陸機君子

有所思行邃宇列綺窗王融曲水詩序鏡文虹於綺
疏謝朓詩玲瓏結綺錢李善引東宮舊事窗有四面
綾綺連錢 疋亦聲者徐鍇本無此文鍇以為指事
也馥謂此三字當有 讀若疏者故諸書皆借疏字

𠄎

通也從文從疋、亦聲

所道切

通也者玉篇同又云其器延以達今作疏本書疏通
也荀子禮論篇疏房極貌注云疏通也疏房通明之
房也字或作疋太元疋陽氣強內而弱外物咸扶疋

而進乎大又次五疇有足託堅穀

文三

品

衆庶也從三口凡品之屬皆從品不飲切

衆庶也者本書庶屋下衆也區品衆也周易品物流形徐鍇引國語天子千品萬官

品

多言也從品相連春秋傳曰次于品北讀與聶同

尼軌切

多言也者玉篇曳品爭言也從品相連者徐鍇本

從品山相連 春秋傳曰次于品北者左氏經僖元

年齊師宋師曹伯次于聶北救邢杜云聶北邢地

讀與聶同者本書講多言也

品

鳥羣鳴也從品在木上蘇到切

鳥羣鳴也者品俗作噪拾遺記魯僖公有白鷓遶煙而噪

文三

品

樂之竹管三孔以和衆聲也從品侖侖理也凡品

之屬皆從龠以灼切

釋名龠躍也氣躍出也馥案漢書律歷志龠者躍微動氣而生物也 俗作籥通典籥不知誰所作按禮記葦籥伊耆氏之樂則伊耆氏已有籥矣

樂之竹管者詩賓之初筵籥舞笙鼓篪云籥管也春秋宣八年萬入去籥范甯云籥管也續漢書蔡邕避難在吳告人吾昔經會稽高遷亭見屋椽竹從東間數第十六可以為籥取用果有異聲 三孔者本書

書籟三孔龠也釋樂大籥謂之產其中謂之仲小者謂之葯郭云籥如笛三孔而短小春官笙師注云籥如籥三空明堂位葦籥注云籥如笛三孔穆天子傳注籥如笛三孔史記司馬相如傳管籥之音正義云說文云籥三孔籟也風俗通義證案周禮龠師氏掌教國子吹龠詩日以龠不僭龠樂之品竹管三孔所以和衆聲也馥案詩左手執龠傳云龠六孔馥謂六孔者管也本書管六孔如虎六孔 以和衆聲也者

小爾雅廣言顓和也春官籥師注云籥舞者所吹公
羊傳籥者何籥舞也注云籥所吹以節舞也潛丘劄
記偶思左手執籥右手秉翟籥豈徒執馬而無聲乎
因考周禮籥師掌教國子舞羽歛籥注云文舞有持
羽吹籥者所謂籥樂也詩曰左手執籥右手秉翟春
秋宣八年壬午猶繹萬入去籥注云內舞去籥惡其
聲聞疏云吹籥而舞謂之文舞公羊傳籥者何籥舞
也注云籥所以吹節舞也吹籥而舞文樂之長小雅

以籥不僭疏云以為籥舞謂吹籥而舞也又籥舞笙
鼓傳云秉籥而舞與笙鼓相應則所謂文舞小舞者
有聲明矣 侖理者也釋名論侖也有倫理也洪範
我不知其彝倫攸叙王肅訓倫為理

火 籥音律管壘之樂也從侖吹聲唱垂

籥音律管壘之樂也者月令命樂正習吹笙師掌教
歛筚篥壘籥簫篪篴管 吹聲者徐鍇本無聲字本
書峻引周禮遂籥其峻今周禮作歛鄭注謂以契柱

初作籥下句

燧火而吹之也



管樂也從龠虎聲

直商切

釋名箎啼也聲從孔出如嬰兒啼聲也 世本蘇成

公造箎吹孔有嘴如酸棗宋均注云蘇成公平王時

諸侯 譙周古史有塤箎尚矣周幽王時暴卒公善

塤蘇成公善箎記者因以為作謬矣宋書樂志箎世

本云暴新公所造舊志一日管史臣按非也雖不知

暴新公何代人而非舜前人明矣舜時西王母獻管

則是已有其器新公安得造箎乎 詩何人斯仲氏

吹箎傳云竹曰箎 月令調竽笙箎簧釋文云箎本

又作箎同馥紫玉篇箎與箎同 竹譜盧箎竹可以

為箎東甌諸郡緣海所生凡今之箎匪茲不鳴

七修類稿詩如塤如箎古人比兄弟之相和夫他音

豈不和而獨以塤箎言者他音一音各為一節惟塤

箎二音同為一節蓋同氣也

管樂也者一切經音義引云管有七孔紫徐鍇本有

知小辛

言文角字彙卷一
七孔二字宋書樂志引舊志箎一曰管通鑑蒼梧王
未嘗吹箎執管便韻春官笙師注云鄭司農云箎七
空風俗通義謹案世本蘇成公作箎管樂七孔長尺
一寸漢書禮樂志調箎員二人顏注箎以竹為之七
孔亦笛之類也呂氏春秋五月紀調等笙塤箎注云
箎以竹大二寸長尺二寸七孔上伏橫吹之聲音上
和故言調五經要義箎以竹為之六孔有底月令章
句箎六孔有距橫吹之釋樂大箎謂之沂郭云以竹

為之長尺四寸圍三寸一孔上出寸三分名翹橫吹
之小者尺二寸廣雅云八孔廣雅龠以竹為之長尺
四寸有八孔前有一孔上有三孔後有三孔頭有一
孔馥紫禮圖箎七孔不數前有一孔與廣雅八孔合
以為六孔者不數上伏一孔與諸言七孔者合

箎
龠或從竹

龠
調也從龠禾聲讀與和同

戶戈切

經典借和字釋詁關、囀、音聲合也廣雅和諧也

禮記大樂與天地同和

調也者本書調和也春官典同和樂注云和謂調其故器也大司樂掌成均之法鄭司農云均調也樂師主調其音韓詩外傳晉范昭使齊願太師奏成周之樂對曰盲臣不習景公問太師曰范昭使子奏成周之樂何故不調外傳又云趙王使人於楚鼓瑟而遣之使者曰大王鼓瑟未嘗若今日之悲也王曰調馥案古詩調瑟方未央



樂和龔也從龔皆聲虞書曰八音克龔戶皆切

樂和龔也者和當為龔一切經音義云諧和也謂音聲調和也說文作龔樂和也釋詁諧和也小爾雅廣言諧和也書克諧以孝史記作能和以孝書謨明弼諧史記作謀明輔和襄二十一年左傳如樂之和無所不諧杜云諧亦和也書曰八音克諧者舜典文彼作諧



符命也諸侯進受於王也象其札一長一短中有

二編之形凡冊之屬皆從冊

楚革切

本書冊書也釋名漢制約勅封侯曰冊之頭也

勅使釐頤不犯之也廣雅箒謂之簡書金滕史

乃冊祝鄭注冊謂簡書也聘禮記百名以上書於

策注云策簡也經史多借策字後漢書李雲傳尺

一拜用注云尺一之板謂詔策也釋名策書教令於

上所以驅策諸下也吳志孫策字伯符

符命也諸侯進受於王也者獨斷策者簡也禮曰不

滿百文不書於策其制長二尺短者半之其次一長

一短兩編下附篆書起年月日稱皇帝曰以命諸侯

王書序蔡叔既沒王命蔡仲踐諸侯位作蔡仲之命

傳云冊書命之畢命序康王命作冊畢傳云命為冊

書以命畢公頤命命作冊度傳云命史為冊書法度

傳頤命於康王洛誥王命作冊逸誥傳云尊周公立


其後為魯侯王為冊書使史逸誥伯禽封命之書詩

江漢虎拜稽首箋云拜稽首者受王命冊書也周禮
春官內史凡命諸侯及孤卿大夫則策命之鄭司農
說以春秋傳曰王命內史興父策命晉侯為侯伯策
謂以簡策書王命僖二十八年左傳王命尹氏及王
子虎內史叔興父策命晉侯為侯伯杜云以策命晉
侯為伯也昭三年傳鄭伯如晉公叔段相晉侯嘉焉
授之以策杜云策賜命之書司馬相如封禪文題曰
符命象其策札一長一短中有二編之形者釋名

札櫛也編之如櫛齒相比也聘禮記百名以上書于
策不及百名書于方注云策簡也疏云簡者未編之
稱策是衆簡相連之名王觀國曰冊象形字中有二
編孔子讀易韋編三絕者以韋貫編作冊也

 古文冊從竹

本書侖籀文从此又古文典云從竹馥謂近古文冊
也定四年左傳備物典策釋文策本又作冊或作箒

 諸侯嗣國也從冊從口司聲祥吏切

諸侯嗣國也者釋詁嗣繼也詩子衿子寧不嗣音箋云嗣續也或借似字書舜典舜讓于德弗嗣漢書叙傳孝武六子昭齊無嗣或借似字詩以似以續

司古文嗣從子

張揖上廣雅表傳于後學

扁署也從戶冊戶冊者署門戶之文也方汚切

署也者本書篇下云闕西謂榜曰扁又自叙云秦書八體六曰署書徐鍇引蕭子良云署書漢高六年蕭

何所定以題蒼龍白虎二闕急就篇簡札檢署繫牘家顏注檢之言禁也削木施於物上所以禁閉之使不得開露也署謂題書其檢上也漢書鄭當時傳翟公大署其門顏注署謂書之漢舊儀御史大夫寺門署用梓板不起郭邑題曰御史大夫寺景福殿賦爰有禁楸李善曰楸陽馬之短楸也說文曰扁署也扁從戶冊者署門戶也楸署雖殊為文之義則一也隸續嚴發碑今聽表閭洪氏云百官制孝子順孫烈女

如州志

言文解字集註 卷六
女義婦及學士為民法式者皆表其門許氏說文扁
者題門戶之文則旌閭之事東都蓋已有之三國典
畧趙文深碑榜人莫之逮宮殿樓閣皆其迹也世說
韋仲將善書魏明帝起殿安榜使衆將登梯題之魏
書江武傳京兆韋誕河東衛覲二家並號能篆當時
臺觀榜題悉是誕書世稱其妙又竇遵善篆指臺殿
樓觀門題多其書也楊慎曰署書始於蕭何其後梁
鵠師宜官魏時北宮咸是鵠書南宮既建韋誕以古

篆書之元魏遷洛始令中書舍人沈含馨以隸書
之景明正始之年又勅符節令江式以大篆易之
從戶冊戶冊者徐鍇本作從戶冊者不重戶冊二字
李善文選注引同

文三 重二

Blank columns for text within a grid.

